

DE INTEGRITATE ATQUE AUCTORITATE
HEBRAEORUMQUE GRAECORUMQUE

UTRIVSQUE FOEDERIS CODICUM

DE ILLUSTRIORIBUS CHRISTIANAE RELIGIONIS

DOGMATIS

AC DE VETERE HISPANAE ECCLESIAE

DIGNITATE

DISCEPTATIONES PHILOLOGICAE

REVERENDISSIMO PATRI

IOHANNI THOMAE

BOXADORIO

ORDINIS PRAEDICATORUM

MAGISTRO GENERALI

CONSECRATAE.

A BENEDICTO FELIO A S. PETRO

CL. REG. SCHOLARUM PIARUM.



ROMAE MDCCLVII.

EX TYPOGRAPHIA IOHANNIS ZEMPEL PROPE MONTEM IORDANUM.

SUPERIORUM PERMISSO.

REVERENDISSIMO PATRI
IOHANNI THOMAE
BOXADORIO

UNIVERSI ORDINIS PRAEDICATORUM
SUPREMO MODERATORI

BENEDICTUS FELIUS A S. PETRO
CL. REG. SCHOLARUM PIARUM.



MAXIMO atque immortalī prorsus benefici mihi contigit, ut, antequam pro mei Ordinis instituto ad tradendas litteras accederem, ex patriis Hispaniae finibus in Urbem vocarer, ubi tranquillo trium ferme annorum otio, optimorum Magistrorum copia, doctissimorum hominum frequentia & consuetudine subiectis veluti facibus incensus ad graviores disciplinas acrius excolendas animum.

viresque omnes conferrem . Iam vero tandem reditum ad meos cogitanti , & publicum aliquod studiorum meorum specimen exhibere cupienti , in iis praesertim , quae cum ad Linguarum Orientalium cognitionem , tum ad sacram profanamque Historiam pertinent , iucundissima mihi non tam quaesita , quam divinitus oblata videtur occasio , qua Theses hasce meas amplissimo Tuo nomini , REVERENDISIME PATER , inscriberem , simulque publice & meo , & universae Scholarum Piarum Familiae nomine Tibi ex animo gratularer , quod Te unum Praedicatorum Ordini praeficiendum incredibili consensu , summoque totius Europae plausu Comitibus superiore anno celebratis sapientissimi Patres delegerint . Quanta vero communis huius laetitiae pars mihi , Sodalibusque meis contigerit nihil attinet longa oratione praedicare , cum ex singulari perspectaque omnium nostrum adversum Tua merita observantia , Tuoque illo amore , quo Tibi Scholarum Piarum homines arctissime devinxisti , palam sit , & aperte intelligatur . Atque utinam is ego forem , qui monumentum aliquod magnis in nostrum Ordinem abs Te , Tuisque collatis beneficiis , Tuoque praeclaro nomine non indignum proferre possem , atque posterorum memoriae commendare ! Quamquam facile mihi ipse ex singulari prorsus humanitate in nos Tua persuadeo Tibi non omnino ingratum fore hoc quaecumque & studiorum meorum , & nostrae erga Te voluntatis argumentum , quod , licet meritis ac

vir-

virtutibus Tuis impar sit futurum , tamen a me Tibi potissimum offerri , & consecrari debuerat . Quis enim ignoret nihil Tibi post disciplinae Monasticae severitatem , quam sanctissime tueris , magis in deliciis esse , quam ingentem illum ardorem , quo in litterarum omnium , potissimum autem Hebraicarum Graecarumque , splendore amplificando ita multum excellis , ut nova inde ad praeclarissimas Tuas laudes dignitas gloriosissime accedat ? Cuius quidem rei plurima exstant ad immortalitatem Tui nominis argumenta & Bononiae , & Neapoli , & in aliquot Calabriae Urbibus , & hic etiam Romae , ubi delectos viros , qui Linguas Orientales ingenuis Adolescentibus traderent , constituisti , magnisque muneribus decorasti , atque Adolescentes ipsos , quibus optime instituendis diligentissime studes , splendide alendos curasti ; quorum multi hoc Tuo praesidio fulti magno litterarum , Ecclesiae Catholicae , Tuique Ordinis nobilissime florent , suaeque ipsorum eruditione sese commendant . Magna profecto haec aeternaque apud omnes memoria dignissima sunt animi Tui ornamenta ; nec scio an celebriora sint ea , quae ad Antiquitates Ecclesiasticas illustrandas contulisti , cum viros aliquot merito quidem suo magnos eximiis beneficiis affectos , qui Tui Ordinis Annalibus castigandis recensendisque studia omnia navarent , sapientissime iam delectos mirifice foveris , alios praeterea designaveris , qui documenta vetera sedulo evol-

verent, atque in ea accuratius inquirerent; alios demum, qui eruditissima Cl. hominum, quos magno numero tulit amplissimus Ordo Tuus, monumenta quaeque publici iuris facerent, novisque accessionibus exornarent. Quae cum ita sint, vereri certe non potero, ne altera illa studiorum pars, quae ad veteris Ecclesiae Hispanae dignitatem asserendam confirmandamque a me instituta fuit, Tibi minus probetur, cum praesertim ita natus sis ac comparatus, ut studia omnia Tibi carissima esse debeant. Nec vero Tuus hic amor in amoenioribus solum litteris, quae ad universam eruditionem sunt, promovendis & ornandis elucet, sed ad severiores quoque augendas disciplinas ardentissime fertur, atque Matheseos in primis, cuius facultatis Neapoli, alibique passim plurima a Te instituta Collegia Tuo patrocinio florere conspiciuntur; ut nihil proinde praeclarissima nullique inferior Praedicatorum Sodalitas ad splendidam absolutamque studiorum omnium rationem optare iam posse videatur. Haec Tua vero in doctrinas tum singulas, tum universas praesidia cum ab omnibus summis laudibus sint efferenda, tum maxime ab Hispanis commendari debent; cum Tu, REVERENDISSIME PATER, Tuae meaeque gentis gloriae amaritissimus, auctoritate Tua, quae apud Maximos Principes, quibus generis splendore coniunctus es, plurimum valet, Tuaque sapientia ea omnia prudentissime praestiteris, quae certam nobis omnibus spem faciunt veterem.

lit-

litterarum laudem apud Noltrates confirmari atque amplificari posse; hoc praesertim tempore, quo FERDINANDUS VI. Optimus Hispaniae nostrae Princeps atque Clementissimus Parens regali prorsus munificentia litteras, iisque deditos homines honestissime prosequitur. Haec cum omnia saepissime cogitare atque admirari soleam, praeclare mecum actum existimabo, si notissimus ille, Tuus in litteras amor id efficiat, ut dubitare non possim, quin me meorumque studiorum rationem illustri gratia excipias, & hoc quaecumque obsequii in Te mei mimentum benigne complectaris, cum id tanquam ab univ[er]sa Scholarum Piarum Familia, quam Tu singulariter amas, atque gratissima in Te Tuumque Ordinem voluntate profectum intelligas. Quod ubi pro Tua comitate praestiteris, non uberem modo laborum fructum ex Tuo auspicio me consecutum putabo, sed alacriori quoque animo in posterum ita contendam, ut maius aliquando monumentum consecrari Tibi a me posse confidam.

IMPRIMATUR,

Si videbitur Reverendissimo Patri Magistro Sacri Palatii Apostolici

F. M. de Rubis Patriarcha Constantinop. Vicegerens.

IMPRIMATUR.

**Fr. Vincentius Elena Magister Socius Reverendissimi Patris Magistri
Sacri Palatii Apostolici Ordinis Praedicatorum.**



P A R S I.

De Lingua Sancta, & Bibliis Hebraicis.

I.



IMO est, qui in hodierna litterarum luce non videat, quantum intersit Christianae Reipublicae Hebraici sermonis studium, cum Theologicis disciplinis coniungere, cum Religionis, eiusque mysteriorum, cognitio ab eius exordio fideliter repetenda sit. Eo autem alacrius utilissimam provinciam amplecti solent Theologi, quo illustrius affulgent ipsius dignitas atque praestantia. Hebraeorum enim linguam ceterarum omnium antiquissimam, & mundo aequalem esse luculenter ostendunt nomina primis hominibus locisque imposita, & quaedam ipsius vestigia, quae apud alios populos, eosque potissimum, qui Babyloni viciniore fuerint, deprehenduntur. His momentis adiecit Ioseph Scaliger (*) linguae puritatem atque simplicitatem, qua ratione inductus; *summam esse imperitiam*, ait, *si quis Syrorum linguam Hebraica antiquiorem esse velit*. Eadem argumenta in causa sunt, cur mihi minus probetur Cl.

A 5

Gro-

(*) Epist. 242. ad Rich. Thompson.

1 Chaldaicam ceteris praefert Georg. Amira in Praef. ad Gram. Syr. sequutus Theodoretum. Coniecturis utitur non contemnendis, sed quae cum argumentis nostris comparari non debent.

Grotii (a) sententia, quae tenet primam linguam in idioma-
tum confusione periisse, eiusque reliquias tantum exstare.

II. Cavendum est autem, ne adversus Ieremiae (b) testi-
monium Chaldaica & Syriaca cum Hebraica lingua confun-
dantur; haec enim longe ab illis diversa: summe tamen
coniuncta videtur Chananacae seu Phoeniciae, cum qua una
eademque haberi solet, magna Philologorum parte consen-
tiente. Eam opinionem tuentur Scaliger, Vossius, Grotius,
Capellus, Genebrardus, Seldenus; praecipue vero doctissi-
mus Bochartus (c), qui ex Sanchuniathone, Herodoto, Io-
sepho, Livio, Strabone, Plutarcho, Solino, Athenaeo plu-
rima vocabula a Phoenicia Hebraeis omnino consona uberrime
collegit. Multa ea de re habet Augustinus, cuius tem-
pore Afrorum lingua erat Punica seu Phoenicia; sed omnium
maxime illustris est Plauti locus ex Poenulo Act. V. Scen. I.
Ny thalonim, valonoth; quae *Deos*, *Deasque veneror* reddit
Poeta; sic ex Bocharto legenda: *אמ עליונים ועליונות* נא

III. Abraham primo a Chananacis (d) dictus *עבר* *He-
braeus*, quasi *transitor*, quia de regione trans Euphratem,
quam prius incolerat, in Chananacam venerat, ut post Ori-
genem & Hieronymum praeclare docent Recentiores fere
omnes cum doctissimo Hispalensi Aria Montano, in Chaldaea
degens pristinam linguam una cum veri Dei cultu retinuit.
Saeculis sequentibus hanc ipsam puritatis ac elegantiae formam
illa praesetulit usque ad captivitatem Babylonicam; quo tem-
pore Iudaei vernaculam linguam misere deturparunt, aut pe-
nitius amiserunt; cum deinceps iam non amplius apud ple-
bem ea valuerit. Templo autem instaurato & Iudaeis postlimi-
nio in terram patriam revocatis, Esdras omnium eruditissimus
characteres Hebraicos, qui ad illud usque tempus iidem cum
Sa-

(a) In Genes. XI. (b) Ier. V. 15. Chaldaeis, & Assyriis com-
minatur; *Quorum linguam ignorabat Domus Israel.* (c) Geograph. Sacr.
Part. II. L. II. (d) Genes. XIV. 13.

¹ Punicam seu Phoeniciam fuisse linguam illam veterem, quam Hispa-
ni primo tenuerunt, priusquam Romanorum imperio subiicerentur, multi
ex nostratibus, qui in hanc rem inquisiverunt, egregie opinati sunt; nuper-
ime vero Ludovicus Ioseph Velazquez ex Academia Regia Histor. in suo
Libro: *Ensayo sobre los Alfabetos de letras desconocidas* Matrini 1752. sum-
mo eruditorum plausu excepto.

² Etymon alii deducunt ab Hebero Semi pronepote, quorum senten-
tia a me probari non potest, cum omni fundamento destituatur.

Samaritanis fuerant, loco movit, & divinas etiam Scripturas caractere hodierno, quem *quadratum* vocant, sapientissime instauravit. Id optime profecto tradiderant Eusebius (a), atque Hieronymus (b), quos feliciter illustrarunt Recentiores plurimis siclis & numismatis Hebraeorum ante Babylonicam captivitatem forsan cufis¹, & ex ruderibus Hierosolymorum effossis. Consulendi sunt Ludovicus Capellus in libro, quem de hoc argumento edidit, & Iohannes d'Espieres (c), qui hanc sententiam omnium approbatione receptam appellat.

IV. At multo adhuc antiquiores hodierni Hebraeorum characteres punctis vocalibus videntur; quae neque ad Mosem, neque ad Esdram, neque ad Synagogam magnam ullo modo referri possunt. Fateor equidem magni ponderis esse argumenta, quae pro punctorum antiquitate vindicanda produxit Iohannes Buxtorfius adversus Capellum, quos inter magna animorum contentione pugnatum est; causa nihilo tamen fecius ille cecidit. Libros enim veteres etiam longe post Esdram sine punctis scribi solitos ab ipsis Capello, Altingio, & aliis harum rerum viris ~~peritissimis perspicue demonstratum~~, est; adeo ut id amplius inficiari, inquit Grotius (d), *non nisi pertinacium sit*. Reliquum ergo est, ut accentus, & puncta vocalia recenter a Massorethis Tiberiensibus, qui longo post Christum tempore floruerunt, inventa esse profiteamur. Ante puncta vero vicem vocalium sustinebant litterae נא, quae *Matres lectionis* dicuntur, non secus ac hodie Arabes omnes eisdem litteris ا ب absque punctis legunt expeditissime.

V. Iam vero magnum Opus מוסר Masora, quod in Adnotationibus criticis circa Textum Hebraicum versatur, a diversis auctoribus, nec uno eodemque tempore, compositum esse apertissime constat; nec ulla fides adhibenda est Rabbiniis, qui Esdrae, aut Sacris Scriptoris illud assertum, nullo tamen producto documento, contendunt; ut vere Grotius

A 6

pess-

(a) In Chronic. ad an. Mun. 4740. (b) Comment. in Tit. III. ad Galat. III. & alibi. (c) Traç. I. de Bibl. Hebr. Dub. I.

(d) In Matth. V. 18.

¹ Eorum unum nactus Arias Montanus, ut certissimum veritatis testem magni habuit, quem in ratione ponderum, & monetarum incunda diligenter consuluit. In Appar. Bibl. Lib. Tubal Cain. Nostri huius temporis viri Eruditi nullum sictum ante Simonem Macchabaeum cufum contendunt apud Calmetum ad Gen. XX. 16. Mihi vero adhuc sub iudice causa pendere videtur.

peffimos Historiae magistros dixerit Iudaeos (a). Primae observationes Massorethicae ad tempus Macchabaeorum, postquam exorta est Pharisaeorum secta, referendae; aliae ad Rabbinos post-Talmudicos. Et si autem in opere improbi sane atque stupendi laboris multa commendentur utilia, & ad Hebraicos Codices sartos testos servandos valde opportuna¹; non pauca tamen occurrunt, quae nihil succi habent, nihil praeter Rabbinicam superstitionem olent; ut litterae mediae legis, vel aliorum librorum adnotatio, litterarum, etiam finalium, maiuscularum, minuscularum, inversarum, suspensarum, Mem clausae & apertae, & plura eiusmodi nugis quam simillima.

VI. Praecipuum inter Massorae partes locum sibi iure suo vindicant marginales notae קרי וכתב *Keri & Ketib* multo quidem recentiores LXX. Interpretibus, aut Chaldaeo Paraphraste. Existimavit Arias Montanus, easdem in omnibus exemplaribus, & ab omni aevo absque ulla mutatione eiusmodi notas permanuisse; qua in re ab humana errandi conditione immunem non fuisse Montanum intelligo. Earum notarum enumerationem omnium accuratissimam exhibuit Capellus in sua Critica. Unde vero suam illae originem repetant pro comperto nondum habetur; mihi tamen ortae videntur ex Codicum mendosa descriptione, & librariorum errore, vel ex quadam Iudaeorum *דגבולא*². Ad ipsam hanc causam, merito refertur nominis Tetragrammatos יהוה pronuntiatio per *Adonai*. Ita sane ab ipsis Apostolis ad haec usque tempora perpetua Ecclesiae praxi nomen illud efferri consuevit; ut inter alia fidem faciunt Graecorum versiones, ubi *κύριος*; Arabum, ubi *الرَّبِّ*; & Latinorum, ubi *Domínus* constanter redditur³. Quocirca lectio per *Iehova*, tanquam nova & insolens non videtur admittenda: quidquid id sit, ab omnibus

(a) Grot. in Matth. XXIV. 24.

¹ Adefis Ar. Montan. in Praef. Tom. I. ad Bibl. Reg. & Iohan. Marianam in eruditiss. Tract. pro Edit. Vulg. C. X.

² Excipiendas esse cum Sixto Amama lectiones *קרי וכתב* cuius rei rationem vide apud Walt. Prol. VII. ad Bibl. Polygl.

³ Alii aliter etiam extulerunt: Diodorus Siculus & Basilidiani per *Ιωω*; Tyrii per *Ιωω*; Samaritani *Ιαω*; alii *Ιω*; ut habes apud Grotium de Veritate Rel. Chr. Lib. I. §. XVI.

bus tamen eius nominis maiestas atque significatio suspici debet tanquam sublimis ¹.

VII. Praeter Masoram illud etiam antiquis Iudaeis referatur acceptum, quod suorum Maiorum traditiones litteris tandem consignatas concluderent volumine illo, quod מִשְׁנַת מִשְׁנַיֹתֵיב dicitur, & fusiore adhuc stilo expositas Talmude Hierosolymitano, & Babylonico. Libri Misnaioth Auctor Iehuda Hakados centum viginti annis post excidium Templi floruisse fertur a Rabbinis, qui Comiti Mirandulano, Reuclino, aliisque nostrae Religionis viris celeberrimis nimium credentibus tantae antiquitatis fucum carissimo pretio vendiderunt ². Itaque cum Origeni, Epiphanio, Hieronymo prorsus fuerit *ἀδύνατος* seu incognitus eiusmodi liber; & S. Augustinus diserte neget Iudaeis traditiones quascumque scriptas, tenendum est, librum circa ea tempora nondum exstitisse. Porro ex Novella CLXVI., quam Iustinianus tulit an. Chr. 548., non obscure deducitur, editum prope illa tempora Misnaioth. Talmud Hierosolymitanum antiquius non est saeculo Ecclesiae septimo: Babylonicum completum non fuit ex confessione Rabbistorum, nisi absoluto bello Ismaelitarum cum Persis, hoc est saeculo octavo. Tempore Talmud praecedente nulla mentio occurrit Karaitarum, qui confundendi non sunt cum Saducaeis, Baethusaeis, aut Samaritanis; qua in re Ioseph Scaliger cum Rabbinis passim hallucinatur.

VIII. Quod si Iudaeorum traditiones tot fabulis deturpatae ad nos devenerunt, est quod illis gratulemur, qui tanquam *Capserii* nostri, ait lepide Augustinus (a), divino certe consilio Sacros Codices sinceros, puros, integros ad nos transmiserunt, ut Iudaeorum pervicaciam ipsis eorum libris refellere possemus. Non me praeterit a multis ex antiquis Patribus ³ Hebraicos Codices veluti vetustate exesos, & audaciorum hominum perfidia contaminatos improbatos videri. Sed multo aliter

A 7

ter

(a) De Civit. L.X. C.46. & in Psal. LVI.

¹ Esse in hac voce *τὸ ἄδύνατος* significationem vere observavit Philo.

² Fuse rem pertractat Iohan. Morinus exercit. Biblicis.

³ Praecipui sunt Iullinus Martyr Dial. cum Tryphone. Iren. L. III. C. 24. Tertull. de habit. mul. cap. III. quos in speciem tantum oppositos dixi, quod illi fortassis egerint unice adversus Aquilam, Theodotionem, & Symmachum, qui fuerunt recutiti Apostatae, suisque versionibus Scripturam perverse depravarunt.

ter se res habet; quippe cum Origenes (a), Hieronymus (b), Augustinus (c) aperte profiteantur, Iudaeos nunquam suos Codices corrupisse, dubitandum non est, quin Textus eo tempore, & etiamnum in maioris momenti rebus a mendis conservetur immunis, adeo ut absurdum omnino visum fuerit Cl. P. Mariana S. I. (d), Testamentum in linguis, quibus primo commissum est, esse ullo modo contaminatum.

IX. Unicum fere argumentum contra doctrinam modo positam proferri solet ex Psal. XXII. 17. ubi כָּאֲרִי per summam impietatem textui insertum, & inde כָּאֲרִי sublatum quibusdam videtur. Ego vero nihil inde meam sententiam infirmari video; sive retineatur prima & vulgaris lectio; sive altera, quam praesefereunt Biblia Complutensia impensis Cardinalis Ximenii Archiepiscopi Toletani adornata. Quocumque tandem modo legatur, cum Graecis Interpretibus ὡς κύνες *Foderunt* vertendum contendo. Producent alii, ut depravatos hodiernos Codices arguant, תָּקַן כְּתוּבֵי *Correctiones Scribarum*. Infirmum argumentum, quodque facile corrui; cum ipsi Iudaei (e) fateantur, loca illa a Scriptore *ἠσχυρότερον* correctā, & pristinae lectioni restituta.

X. Opponunt denique Tridentini Concilii Decretum, quo Vulgatam Latinam Sacrorum Bibliorum editionem unanimi consensu sapientissime Patres authenticam comprobarunt, & unam Christianis hominibus proposuerunt. Atqui ego gravissimorum Theologorum Salmeronii (f), Lainezii (g), Vegae (b), qui ex Hispania Concilio adfuerunt, auctoritate confirmare possum, Vulgatam editionem non Hebraicae, aut Graecae, sed reliquis Latinis, quarum magna copia & varietas in dies emittebatur, necessario illo & magno rei Christianorum publicae bono lato decreto praepositam fuisse. Neque tamen ideo Hebraicis, aut Graecis Codicibus, fontibus scilicet, unde Latini omnes, ceterique manarunt, quidpiam auctoritatis detractum est. Stat adhuc eorum fides firmissimis praesidiis fulta; adeo ut omni iure Theologis liceat in rebus dubiis, aut obscuris ad pri-

(a) L. VIII. in Esaiam.

(b) In Esai. VI.

(c) Locis citat.

(d) Tract. de Vulg. Lat. C. IX.

(e) Masora Marg. num. XII. 12. locum ait unum ex correctionis כָּאֲרִי Esdrae quem Scribam כָּאֲרִי ἠσχυρότερον appellant.

(f) Prolog. III.

(g) Apud Marian. de Vulg. Lat. C. XX.

(b) L. XV. C. p.

prima illa divini sermonis exempla non modo sine crimine ,
verum etiam cum laude provocare .

XI. Haud equidem diffiteor , menda quaedam leviora , &
quae partibus insint minime necessariis , in Textum Hebraicum
irrepere potuisse , aut certe temporis iniuria vel librariorum
negligentia irrepsisse , id quod in Vulgata etiam contigisse omnes
intelligunt¹ ; sed haec vetustatem quidem divinatorum Libro-
rum produunt , non eorum possunt imminuere integritatem .
Hoc ipsum indicant variantes lectiones , cuiusmodi exstant in-
ter Rabbinos Ben Ascher , & Ben Naphtali ; inter Iudaeos
Orientales , & Occidentales ; hoc etiam Adnotationes criti-
cae Massoretharum . Ubi animadvertendum , quod si duae
lectiones concurrant , una in textu , in margine altera ; haec
Massorethica vulgo dicta firmum adversus Iudaeos suppeditat
argumentum . Ut autem in re aleae atque periculi plena effre-
nis ingenii hominibus modus aliquis definiatur , tenendus est
Canon : *Ubi omnes authenticæ Codices in eandem lectionem con-*
sentiunt , nefas est privatis Criticorum coniecturis aliam le-
ctionem intrudere , aut antiquum loco movere .

XII. Unde Deuteronomi XXXIII. 23. retinenda est lectio
Posside דורום mare , & *meridiem* ; illa vero , quam Critici
audaciores obtrudere tentarunt , *mare Merom* , penitus
reiicienda . Similiter Dan. XI. 2. verba illa Angeli *חנה עד שלשה*
מלכים עומדים לפני עושר גדול . *מכל וכחוקת בעשרו יעיר חבל*
יו : *Ecce adhuc tres Reges stabunt in Perside* , & *quar-*
tus amplioribus opibus ditabitur , quam omnes ; & *cum in-*
valuerit opibus suis concitabit omnes contra regnum Iavanis
recte se habent , nihilque adversus Persarum Historiam , aut
Chronologiam continent ; ut post vocem *שלשה* *quatuor* , sup-
pleri debeat vox *עשר* *decem* ; & post *רביעי* *quartus* , vox
decimus , quod tamen contendit Clericus (a) ; egregius scilicet
Interpres nodum violentis manibus secare maluit , quam
solvere .

XIII. Planum sensum praeferunt versus quintus , & se-
xtus Psalm. XIV. qui sic leguntur *כחור פחד כי אלהים בורר*
צדיק : *Ibi trepidaverunt timore* ,

A 8

quo-

(a) Ars Critic. P. III. Sect. I. C. XII. §. 14.

¹ Patet ex correctionibus Sixti V. & Clementis VIII. , & ex Luca Bru-
genfi , qui argumentum luculenter pertractavit .

quoniam Deus in generatione iusti . Consilium pauperis pudore afficietis , quoniam Dominus spes eius . Nulla heic depravatio , nulla lacuna . Quamobrem Psalmus ille confundi non debet cum Psalmo quinquagesimo tertio , nec id unquam obtinebit Clericus (a) , etsi leges Grammaticas , & rationes metricas quascumque in subsidium insolentis opinionis contorqueat . Quis enim ullo modo ferat audaces illos Criticos , qui violentas Hebraicis divinis Codicibus passim manus inferunt , & multo verecundius Ciceronianos , aut Virgilianos libros , quam sanctissima Biblia pertractant ?

XIV. Psalmus CXLV. ad leges carminis acrostici videtur concinnatus , ita ut litteris versuum initialibus alphabetus Hebraicus ordine per quam eleganter effingatur . Versus tamen , qui a littera *Nun* incipiat , non invenitur in Codicibus Hebraicis , a quibus non est dubitandum quin exciderit librariorum culpa , inquit Grotius , & Flaminius Nobilius . Sed errant magni alioquin viri versione Graeca decepti , in qua legitur *Πισὺς κλέος* , cui Hebraice respondet *מִן יְהוָה Fidelis Deus* , unde etiam irrepsit idem versus in Latinum , Syrum , & Arabem . Cum enim nulla possit reddi ratio , cur librararii versum hebraicum ad carminis integritatem alias opportūnum omiserint ; reddatur vero , cur a Graecis ille fuerit insertus , tenendum est , nunquam apud Hebraeos extitisse . Quare neque Hieronymus habet , & in Scholiis Romanis legitur *Ὁ βέλτιστος ὃ τὸ , πισὺς κλέος , δι' ὅλου τοῦ στίχου μὴν παρ' ἱβραίων περιμένει , μὴν ὡς τὸς ἄλλους ἱερολογηταῖς* Illud , Fidelis Dominus per totum versum notatur obolo , cum neque apud Hebraeos feratur , neque apud alios Interpretes .

XV. Librorum antiqui Foederis integritate constituta , sponte quadam memoriae occurrunt plurima loca , quibus praecipua Christianae Religionis dogmata illustrantur , & Iudaeorum refellitur pervicacia . Principio quidem Divinarum Personarum pluralitatem , a qua illi maxime abhorrent , illud adstruit , quod iam inde a Christianismi exordio adferri consuevit , Genes. I. 26. *וַיֵּבְרָא אֱלֹהִים אֶת הָאָדָם בְּצַלְמוֹ כִּדְמוּתוֹ* *Dixitque Deus : Faciamus hominem in imagine nostra secundum similitudinem nostram* . Contendunt Rabbini pluralitatem , quam textus praefert , ad Angelos referri . At oporteret Angelos aut Deo

(a) Ars Crit. ibid. C. XVI. §. 11.

Deo pares, aut esse mundi Creatores; quod quam sit absurdum nemo non videt. Argumentum hoc ea ratione verfatum eludere non poterunt Iudaei, quibus contra nullum negotium accessit verbum *אלהים* *Elobim*, quo uti vulgo solent nostri Interpretes.

XVI. Multo gravius perstringit Iudaeos locus petitus ex Prov. C. VIII. 22. *יהוה קני ראשית דרכו קדם בפעליו* *Dominus possedit me* (nec dissentiunt LXX. Interpretes, apud quos forsan ex librorum oscitantia legitur *אני* *creavit*, pro *אני* *possedet*, ut habent Aquila, Theodotion, Symmachus) *principium viae suae, ante opera sua ex tunc*. Quae verba si semotis animi perturbationibus serio perpendantur, non de Legge Moysis, ut Rabbini fabulantur, sed de Sapientia increata, quae vera sit persona, intelligantur necesse est. Atque hic idem ipse locus est, quem Ariani offendentes ad impium dogma detorserunt, ita ut vellent verbo *קנה* *creationem* non *generationem* significari: quorum perversam interpretandi rationem Graeci Latiniq. Patres (a) sapientissime confutarunt.

XVII. Aeternitatis attributum, Sapientiae increatae necessario coniunctum, evidenter indicant ea, quae ibidem sequuntur *אני נכתי ברשע מקדמי* *Ab aeterno principatum habui, ab initio ante terram*, Universi Opificium ipsi etiam describitur v. 27. *בהכינו שמים שמים* *Quando ille parabat caelos, ibi ego*. & v. 30. *והיה אצלו אמר* *Et eram apud eum Nutricius*; seu cum Sancto Hilario & Vulgata Latina *componens*. Clarius adhuc elucent divinitatis characteres in iis, quae postremis versibus habentur: *אשר ירבו יסתר* *Beati qui custodient vias meas*, & quae sequuntur. Propius rem ipsam persequamur Messiae divinitatem ostensuri, ne cultum, quem ipsi tribuimus, nobis unquam obliquant Iudaei.

XVIII. Apertissime quidem intelligitur Messiae excellentia ex Psalmo Secundo, qui totus ad eius divinitatem ostendendam videtur comparatus; tum ea maxime affulget. v. 7. *יהוה אמר אלי בני אתה את היום ילדתיך* *Dominus dixit ad me: Filius meus es tu; ego hodie genui te*. Eludere nequeunt Iudaei haec verba, quae non de alio, quam de Christo dicta esse,

A 9

con-

(a) Videnda sunt ea, quae a S. Hieronymo haec, & in Eg. XXI. Mich. IV. Ephes. II. & Epist. CXXXIX. praeter ea, quae a S. Hilario, Tertulliano, Lactantio, & ceteris Patribus afferuntur.

1 Nam quod Grotius de V. R. C. L. V. s. 22. in Davide rudi quodam modo Psalmum hunc impletum dixerit, minus caute fecit, qui alioquin excellentius ad Messiam pertinere testatus est.

constat ex Aët. Apost. IV. 24., & Epist. ad Hæbr. I id quod & Rabbinī fere omnes (a) cum Kimchio & Ionathane fatentur. הוּם *Hodie* adverbium est æternitatis, quod iam olim animadverterat S. Augustinus. Quo posito testimonio naturalis Messiae generatio a Deo Patre evidenter concluditur. Eorum verborum v. 12. נִשְׁקוּ בֶרֶךְ *versus sensus est: Osculamini filium.* Adiecit huic explicationi suffragium suum Hieronymus in Apologia contra Rufinum.

XIX. Præterea docet Apostolus (b) de Messia intelligendum illud Psal. XLV. 7-8. כֶּסֶךְ אֱלֹהִים עוֹלָם וְעַד שֶׁכֶם נִישׁוֹר שֶׁכֶם מְלִיכּוֹתָךְ *Solium tuum o Deus in sæculum & perpetuum; virga æquitatis, virga regni tui. Dilexisti iustitiam, & odisti iniquitatem, propterea unxit te Deus, Deus tuus.* Itaque cum ea verba עוֹלָם וְעַד æternitati significandæ apposita sint, Salomoni nequaquam aptari poterunt, sicut Iudæorum aliqui comminiscuntur; sed uni tantum Messiae, quod agnovit & ipse Chaldaeus Paraphrastes (c).

XX. Illustrius autem & quasi graphice expressit veros Messiae characteres idem Prophetā Psal. CX., ubi divinitas, regia potestas, sceptrum ex Sione in ultimas oras perventurum, sacerdotium æternum Messiam haud dubie patefaciunt; nec aliter intellexerunt vetustiores Hebræi & Paraphrastes (d); ideoque mirum quantum recentiores Iudæi hallucinantur, dum ad Abrahamum, Davidem, aut Ezechiam verba illa detorquent. Quæ leguntur v. 4. אַתָּה כֹהֵן לְעוֹלָם עַל דְּרָכֶיךָ מְלִיכֵי-דָוִד *Tu es Sacerdos in æternum secundum ordinem Melchisedek* explicata ab Apostolo (e) excellentem Messiae sacerdotii præstantiam evincunt, proinde seiungi non debent, ut voluit Grotius (f), verba מְלִיכֵי-דָוִד, ac si essent appellativa; cum nomen Melchisedeki proprium referant, qui fuit verus homo, regia simul ac Sacerdotali dignitate præditus, genere Chananæus.

XXI.

(a) Apud Grotium loc. cit. (b) Ad Hæbr. I. (c) Ex nostris videndi Eusebius, atque Hieron. ad Principium. (d) Rabbi Saadia, & R. Ionat. ברשת רבך. (e) Ad Hæbr. VIII. (f) Ad hunc loc. vertit *Secundum meam constitutionem, o rex mi iuste*; quam tamen versionem & traditioni, & legibus Grammaticis adversantem relicio.

1 In Bibliis Ferrariensibus ex Hebræa in linguam Hispanicam a Kimchio forsan, aut ab Abrahamo Usque (Vid. Biblioth. Jacobi Le Long. Paris. 1722. T. I. pag. 364.) magna fide redditus, atque Amstelodami an. Iudæico 5371. recensitis, existat eodem plane sensu eiusmodi versio: *Esfad hijo, por que no se ensañe &c.* De Melchisedeko tot fabellæ conficiæ, quod in textu dicatur sine Patre, &

אֵין

XXI. Habentur v. 3. *מִן הַטֶּהוֹמָה לִּפְנֵי יְלִידָתוֹ*, quae si iuxta Septuaginta Interpretes reddantur *ἐκ τῆς κοίτης τοῦ πατρὸς ἔκγονος* ex utero ante luciferam genui to ; de aeterna Filii generatione, accedente Patrum auctoritate, accipienda erunt. Ego quidem textum Hebraicum pressius persequens, verto *ex utero & ab aurora tibi ros natiuitatis tuae* 1, atque humanam & temporalem Messiae generationem eo loco Prophetam intellexisse mihi ipsi facile persuadeo. Ubi non obscure partus etiam Virginis videtur praesignatus. Sed clariora, quae profundissimum Mysterium suadent, adducam argumenta.

XXII. Quoniam autem Hebraei 2 nobiscum consentiunt posse a Deo humanam naturam assumi, atque ex ipsorum etiam confessione 3 Messiae Divinitas congruit, non nisi ex Matre virgine eius ortus admitti posse videtur. Perspicue id declarat Isaïas VII. 14. *הָנָה הָעֵלְמָה הָרָה וְיִלְדָה בֵּן וְקָרָאת שְׁמוֹ עֲמָנוּ אֵל*. *Ecce Virgo concipiet, & pariet filium, & vocabitur nomen eius Emmanuel*. Celebrat Propheta conceptionem illam ut miraculo simillimam; puero nascituro ea adsignat C. IX. attributa, quae Messiae tantum conventre poterant. Quid ergo ad Ezechiam superius recensitum oraculum referri posse contendit Barnabel? Evincitur quoque Messiae Matris Virginitas ex nomine ipso *הָעֵלְמָה*, quod nunquam in sacris Codicibus invenitur, ubi Virginis non exprimat notionem, ne Prov. quidem XXX. 19. excepto, quo loco Rabbini, quasi de parta victoria, insolenter gloriari solent. Eodem plane sensu accipitur in lingua Punica, Versionibus Chaldaica, Arabica, & Septuaginta Graecis consentientibus. Praeclare de hac re disputat Hieronymus.

XXIII. Itaque Messiam in Lege promissum iamdudum venisse adeo ex divinis Scripturis manifestum est, ut & Iudaei ipsi, nisi

A 10

sine Matre Hebr. VII. At videant quo modo locum illum vertit Arabs *لا أب له لا أم له غير نسوة له* *Nec Pater ei nec Mater genealogiae habet supputatae.*

1 Eisdem fere verbis reddunt Aquila, Symmachus & Quinta Editio.
2 Rab. Salom. quod revera in mundi exordio factum existimat. Talmud titul. Schebuot, & Sabbathoth.

3 Patet ex dictis, tum etiam quod augustum illud Deique proprium nomen *יהוה* Ionathap, David Kimchi Christianis alioquin infensissimus ad Ier. XXIII. Rabb. Abba in Ecca Rabb. Messiae tribuunt; cuius tempore futurum, ut Deus *יהוה* digito monstraretur, ait Talmud in Iohan. & Isaï. XXV.

nisi eorum obstinatissima voluntas obfisteret, facile perspicuam veritatem agnoscere possent. Celeberrimum est Iacobi vaticinium Gen. XLIX. 10. לא יסור שבט מיהודה ומחקק מבין רגליו עד כי יבא. *Non recedet virga de Iuda, & legislator de inter pedes eius, usquequo veniat Silo, & illi obedientia populorum.* Verbum *Iuda* ad solam tribum Iudae a Iudaeis refertur, quibus ultro citroque assentior; immerito tamen illi per שבט aut *tribum* aut *virgam* afflictionis intelligi volunt contra veterum omnium Interpretum auctoritatem; quorum Aquila *מטה* *sceptrum* reddit, ubi LXX. Senes *אנשי* *Principes*, Symmachus *ἐξουσία* *Potestas*, Chaldaei שלטן eodem plane sensu.

XXIV. Vox *שילה* aliter ab aliis explicatur; una tamen eademque est omnium sententia, eo videlicet nomine Messiam indicari. Quare, ut recentiorum Iudaeorum commenta refellantur, opus non est lectionem novam *שילה* intrudere cum Grotio, Huntlaeo, & Morino; & illam tota antiquitate receptam expellere. Absit eiusmodi hominum temeritas, cuius notam multo gravius subeunt illi, qui עד-כי dividi debere contendunt: sed eorum imperitiam satis superque revincunt Onkelos, Ionathan, Aben Ezra, immo & ipsae apud omnes Grammaticos statuae leges. His iam constitutis, perspicue apparet summam potestatem ex tribu Iuda non defecturam, nisi Messia adveniente. At ea iampridem in Herode alienigena sublata est: venit igitur circa id tempus Messias, qui est Iesus Nazarenus.

XXV. Occurrit nunc locus Danielis IX. 24., quo nihil illustrius adversus Iudaeorum pertinaciam optari poterat. Praefatur autem Gabriel in hunc modum נחמך על עמך שבט שבטים. ועל עיר קדשך לבלא חששך ולחתם חמאת ונו *Septuaginta Hebdomadae decisae super populum tuum, & super civitatem sanctitatis tuae ad consummandum praevaricationem, & ad sigillandum peccata.* Eiusmodi oraculum de Messia intelligendum esse patet tum ex ipso textu, ubi משה non semel nominatur; tum ex Rabbiorum confessione, quorum testimonia profert rerum Hebraicarum peritissimus Raymundus Martinus Barcinonensis Ord. Praed. in suo Fidei Pugione. *Hebdomades heic intelliguntur de annis*, scribit Aben Ezra, cui Hebraei adstipulantur. Illarum enim septuaginta nondum expletis promittitur certo ven-

venturus Messias. Cum autem illae iampridem exactae fuerint, eo videlicet tempore, quo vixit Iesus Nazarenus, in eum, tanquam verum Messiam praedictum cadat Vaticinium necesse est; quocumque tandem modo initium Hebdomadatum iuxta diversas Chronologorum opiniones statuatur. Mihi vero probabilior videtur eorum supputatio, qui Epoches exordium ab anno septimo Regni Artaxerxis Longimani repetendum existimant; videlicet *מן מצא דבר להשיב ולבנות ירושלם* *Ab exitu sermonis ad reverti faciendum & ad aedificandum Ierusalem.*

XXVI. Urgent similiter Hebraeos ea, quae habentur apud Aggaeum C. II. 8. & 10. *ובאו חזרה כל הגוים ומלאחי את הבית הזה כבוד* *Et veniet desideratus cunctis gentibus, & implebo domum hanc gloria.* Paulo post *האחרון מן האחרון* *Major erit gloria domus istius novissimae, quam primae.* Loquitur scilicet Propheta de Templo secundo a Zorobabele, & Iesu Iosedecide excitato; in quod quidem venire debuisset Messiam vi oraculi colligunt Rabbi Akiba, multique alii, teste Rabbino Salomone. Venit ergo Messias ante devastationem Templi, quae contigit tempore Vespasiani: alioquin Templi posterioris gloria nec maior esset, nec ullo modo cum Templo priori conferri posset.

XXVII. Itaque cum in dictis Vaticiniis, pluribus aliis praetermissis, adeo perspicue tempus adventus Messiae definiatur; nihil mirum, si Magister Hebraeus Nehumias (a), qui annis quinquaginta Iesum Nazarenum praecessit, iam tum aperte dixerit non posse ultra eos quinquaginta annos tempus Messiae a Deo protrahi; & Rabbi Iosue, qui excidium Templi vidit, Messiae tempus advenisse fateretur, ut testatur Rabbi Iacob in Caphthor. Sane eam opinionem Iudaeis omnibus fuisse notam & pervulgatam id demonstrat, quod circa illa tempora non unum tantum Messiam illi susceperint; multi Herodem, ut habes apud Tertullianum (b), & Epiphanium; alii (c) Iudam Gauloniten, alii alios, referente Iosepho (d). Ferrei sunt necesse est Iudaei, nisi eiusmodi argumentis convicti Messiam iampridem advenisse fateantur; suspiciantque Iesum

A 11

(a) Apud Grotium de Ver. Relig. Lib. V. §. XIV.

(b) Tertull. in Haeret. enumeratione. Et colligitur ex Matth. XXII. 16.

(c) Confule Iosephum XVIII. 1. Act. V. 36.

(d) Act. XXI. 38. & Ioseph. ibid.

Iesum Nazarenum , cuius res gestae adeo vivide veros Messiae characteres referunt , ut dubitari impune non liceat , quin ille sit , quem Lex & Prophetae praedixerunt , verus Deus & Homo , Mundi Salvator atque Redemptor . Hanc propositionem egregie persequutus est , & pluribus demonstravit Adolphus Groll a S. Georgio mei Ordinis Schol. Piar. Praepositus Generalis , & mox Iaurinensis in Hungaria Episcopus , in suo Libro *Tessis* & *Doctores* typis vulgato , quem studiose consulant Rabbini , nec eos huius laboris unquam poenitebit .



PARS



P A R S I I.

De Versione LXX. Interpretum , & Novo Testamento Graeco.

I.



INTER Graecas Veteris Testamenti Versiones principem locum iure suo sibi vindicat celebris illa septuaginta duorum Interpretum , cui summum honorem tam Iudaei , quam Christiani constanter detulerunt . Eius Versionis Historiam litteris consignatam primus omnium posterorum memoriae commendavit Aristaeas , vir & sapientia & dignitate apud Graecos celebratissimus . Librum , qui eius Historiae fons habetur , longa saeculorum serie Aristaeae tributum in dubium nuper revocavit magnus ille Valentinus Criticorum facile princeps Ludovicus Vives^(a) , inde Ioseph Scaliger^(b) eundem tanquam a Iudaeis Alexandrinis confectum praepropere proscripsit . Nihil tamen illi habent , quod antiquissimi monumenti auctoritatem deprimere possit , ut merito Isaacus Casaubonus in Graecis Scriptoribus versatissimus dixerit^(c) , librum Aristaeae vindicandum esse , Auctori videlicet , qui rebus gestis interfuerit .

II. Itaque sapientissima Seniorum societas ex omnibus

A 12

Iu-

(a) In August. de Civit. Dei L. XI. C. XLII.

(b) Ad an. Euseb. 1730.

(c) Apud Walt. Pol. T. I. Prol. IX. §. 4.

Iudaeis ab Eleazaro supremo eorum Antistite delecta, potentissimi Regis Ptolomaei Philadelphi iussu, Versionem sacrorum Bibliorum ex Hebraica in linguam Graecam brevissimo dierum spatio perfecit; quod non ita quidem contigit, ut septuaginta viri illi totidem cellis includerentur, quam fabellam iam olim Hieronymus (a) explosit; sed ita ut in una Basilica congregati, quidquid expendendum esset, omnes inter se conferrent, Aristaea, atque Iosepho narrantibus. Totam veteris Testamenti Scripturam, neque solum Pentateuchon¹, quod plerique Iudaeorum ex Talmude asserunt, tunc graece redditam fuisse, Aristobuli (b), Iustini Martyris, Eusebii testimonio pro comperto habetur. Exploratum est etiam, & omnium Veterum consensione firmatum Codices puros putos Hebraeos ad versionem adornandam ab Interpretibus adhibitos esse; adeoque merito refellendi sunt Recentiorum nonnulli, qui Samaritanos, aut Chaldaeos Codices in scenam produxerunt.

III. Idem ipsum Versionis LXX. Senatorum ἀντάγραφον, sententia est Tertulliani, Iustini, & Chrysostomi, suis temporibus in Serapeo exstitisse: hinc veri simile videtur illud ex flammis Ptolomaei Bibliothecam incenditibus ereptum in ea, quam ibidem Cleopatra construxit, repositum fuisse. Quod si minus probetur, certo liquet, quemadmodum Aristaeas & Iosephus tradunt, Iudaeos Alexandrinos, permittente Demetrio, plurima exemplaria ex autographo descripsisse. Unde patet, qua via eadem illa Graecorum Versio ad nos usque descendere potuerit; atque imperite a quibusdam Recentioribus alteram versionem Graecam Philometoris tempore factam fingi, quaeque in locum Septuaginta succreverit. Quae cum ita sint, & exemplaria eius Versionis, quae Apostolorum, omniumque Ecclesiarum usu quodammodo consecrata videtur, genuina supersint; quis furor invasit recentes Scriptores, qui in antiquissimum opus, & ipsa canitie venerandum immaniter debacchantur; atque passim LXX. viros tanquam Hebraici Textus adulteros criminantur?

IV. Non inficior Graecos Codices hodiernos quasdam fordes contraxisse, suosque naevos habere; id quidem vetustatis indi-

(a) Praefat. in Pentateuchon. (b) Leg. Euseb. Praep. Ev. L.I.

¹ Hieronymus cum in hanc sententiam propendere videtur non ex propria, sed ex Iudaeorum opinione loquitur; nam ille in Comment. in Proph. in Epist. ad Suniam, & Fretellam, & Lib. II. contra Rufinum cum aliis Patribus consentit.

indiciū est; eorum tamen auctoritatem ita temperat, ut et si summam non eam habeant Catholici, magnam aperte dicant, & profiteantur. Neque aliud forte voluit Hieronymus, dum Graecam ipsam Versionem minus vereri videtur; cum in Apologia contra Ruffinum ingenue testetur, *se nunquam LXX. Interpretibus tantillum voluisse detrabere*. Iudaeis ipsis tanto opere probatum olim fuit illud opus, ut per Asiam, Graeciam, & Aegyptum publice in Synagogis apud eos legi consueverit; quemadmodum luculenter ostendit Scaliger in Eusebianis. Quapropter ieiunium, quod propter legem Graece redditam quotannis (a) celebrandum indicitur, & tenebrae, quae tribus diebus tunc temporis (b) terris incubuerint, putidissima recentiorum Rabbiorum commenta sunt.

V. Versionis Graecae obrectatores adversus eam opponunt ingens illud discrimen, quo a Chronologia Textus Hebraici recedere videtur. Nam quod Iohannes Morinus Graecam computationem cum Hebraica conciliare voluerit, laudandus quidem esset, si conatui exitus responderet. Itaque discrimen illud agnosco, atque Hebraeorum ~~calculus~~ ~~probandum~~ esse contendo; nihilominus septuaginta Interpretes incussare non audeo, nec ab illis originem errorum repetere. Vetustas enim ipsa, non parum Chronologiam perturbavit, ut vel unico Mathusalem exemplo intelligi potest. Ille quidem in hodiernis Codicibus tranquillam ducens vitam post diluvium ponitur; qui tamen error non nisi post Origenis tempora Graecos Codices invasit, ne omnes quidem, cum Augustinus (c) asseruerit, in aliquibus Codicibus veracioribus suo tempore inveniri, Mathusalem sex annis ante Diluvium vitam fuisse defunctum.

VI. Maioris ponderis illud est, quod Cainanem inter veteres Patriarchas (d) recenseant septuaginta Interpretes. Hoc autem nomen recenter assutum videtur magni nominis Criticis (e), quod nec in Textu Hebraico, nec in Vulgata Latina, nec in aliis Versionibus legatur. In hanc ultro sententiam concederem, nisi Lucas (f) in suo Evangelio eiusdem etiam nominis mentionem inieciisset. Si mihi liceret opinari cum Grotio nomen τῷ Καϊνᾶν librarii alicuius errore in eum locum intrusum fuisse, facile me ab implicatissima difficultate expedi-

A 13

(a) In Calendario Iudaeorum octavo Mensis Tebith.
 (b) Talm. tract. Sopher. (c) Quaest. XL in Genes. (d) Genes. X.
 24. & XL. 12. (e) Grotio in Luc. C. III. 36. (f) C. III. 36.

direm . At vero amplecti non possum id, quod nimis libere dictum existimo . Reliquum igitur est, ut asseram, potuisse Lucam, Scriptorem Θεωπιδου, nomen illud supplere, quod iam LXX. Seniores ex constanti Iudaeorum traditione in textu reposuerant, quodque Moses salva historiae fide non una de causa praetermiserat . Nihil heic a me positum est, quod nequeat multis argumentis confirmari .

VII. In versione ἡ ὁ verbis illis Psalms XCV. Κλέσας ἰβραὶλ δαυιδ Dominus regnavit additum olim fuisse ἀπὸ ξύλου a ligno, luculentissimi testes sunt Iustinus Martyr, Tertullianus, Augustinus, Cyprianus, Leo Magnus, Psalteria vetera Romanum, & Gothicum . Num vero eius vocabuli accessio veteribus Christianis, ut Iudaeos hinc premerent, an potius ipsis LXX. Interpretibus tribuenda sit, quaestio est, quam ego definire non audeo; etsi hanc alteram partem longe verisimiliorem crediderim, cum Interpretes non semel paraphrastas egisse, omnibus compertum sit . Eius rei exemplum peti potest ex verbis Psalms XCI. כָּטַב יִשְׂרָאֵל צָרָהֶם Ab excidio, quod vastabit meridie; quae quidem LXX. reddiderunt per incursum & δαυιδ ὁ βασιλεὺς τῆς ἰβραὶλ Daemonium meridiantum . Haec enim explicatio, quae Graecos & Latinos Patres diu multumque vexavit, egregie Hebraicam locutionem refert, & ex opinione, quae tunc temporis apud Ethnicos etiam versabatur, & quam nobis tradiderunt Callimachus Cyrenaeus (a), Theocritus (b), Lucanus (c) multum illustrari potest .

VIII. Graecum Novi Foederis Textum integrum, & purum esse, non secus ac Veteris Hebraicum, eodem omnino iure defendo . Itaque etsi menda leviora, & lectionum varietas temporis iniuria irrepserint, summam tamen fidem ei praestare debemus . Unde si quando apud Latinos quaestio exoriatur, & inter exemplaria nostra varietas occurrat, recurrendum ad fontem Graeci sermonis, cui Novum Testamentum primo traditum est: quod suo tempore monuit Hieronymus, & etiamnum sapientissimi quique Catholicorum . Scio mihi obiectum iri ab aliquibus, Apostolorum & Evangelistarum, ἀντιγραφοῦ non amplius hodie superesse: at nihil hinc in meam sententiam, cum non liceat dubitare, quin hodierna Graec-

(a) Hymn. in Lav. Palladis v. 71.

(b) Idyll. I.

(c) Libr. III. de Iuoc ad Massil. lito.

Graeca exemplaria ipsis plane autographis respondeant . Praefertim cum vetustissimi Codices , & emendatissima exemplaria nostris hisce temporibus extant , inter quae principem locum iure obtinet exemplar Complutense a Cardinali Ximeno primo editum , inde in Bibliis Regio-Hispanicis recusum . Celebrantur & sexdecim illa , quibus usus est Cl. Hisp. Marchio Veleſius Petrus Faxardus , quorum octo erant ex Bibliotheca Regis Hispaniae Laurentiana : tantum abest , ut manuscriptos Codices ad normam Vulgatae refinxerit , quod ipsi per summam calumniam exprobrat Clericus (a) , qui levissima coniectura permotus ausus fuit in virum gravissimum Faxardum petulantius insultare , tum & in doctissimos viros Iohannem Marianam (b) , & Ludovicum de la Cerda (c) , qui varias illas lectiones plurimi semper habuerunt .

IX. Inferioris notae quidam Graeci Codices omisſam a Marco Resurrectionis historiam volunt , quod vitio librarium , qui inter Marcum & Matthaeum hac in parte interesse *ἀπορίαν πολλήν* imperite putarunt , tribuendum : hanc eandem omisſionis causam reddit & ipse Hieronymus (d) . Atqui in Codicibus purioribus & hodie Graeci integrum illum locum recensent , & olim etiam exhibuerunt , ut ex Patribus Irenaeo (e) , Athanasio (f) , Theophylacto (g) certissime agnoscitur . Quocirca nefas esset dubitare , quin tota illa pars a verbis illis *ἀναστὰς* (comprehensus etiam iis *ἐρεβώτε* h) genuina sit , & apud Graecos semper extiterit . Similiter quod legitur in Luca (b) *Ὡς ἐν τῷ αὐτῷ ἀγγέλῳ ἀπ' οὐρανοῦ ἐπιχρῶν αὐτὸν καὶ ἡρώδης ἐν ἀγωνίᾳ ἐκτείνεσθαι προσέκχεν* . *Ἐγγίστε ὃ ὁ ἰσθὺς αὐτὸν ὡς αἱ δεξιαὶ αἰμάτων καὶ βαίνοντες ἐπὶ τῷ γλῶ* Apparuit autem illi Angelus e caelo confortans eum ; & factus in agonia intentius orabat . Factus est autem sudor ejus sicut guttae sanguinis decurrentes in terram . Haec autem commata tamen olim defuerint in quibusdam Graecis libris , testibus Hilario (i) , & Hieronymo (k) ; hodie tamen in omnibus extant Graecis , Latinis ,

(a) Ars Critic. P. III. Sect. I. C. XVII. §. 35. (b) Pro Edit. Vulg. C. XVII. (c) In Adversar. C. XCI. ubi & illas recenset. (d) Epist. CL. ad Hedibiam quaest. III. qui & L. II. adversus Pelag. C. VI. aliam rationem producit , in Manichaeorum audaciam causam refundens. (e) L. III. adv. Haer. C. XI. (f) In Synop. divinae Script. (g) In Comm. ad eum locum. (h) C. XXII. 43. 44. (i) L. X. de Trin. (k) L. II. adver. Pelag. C. VI.

nis, Arabicis; ut certe iam palam sit temere aliquando fuisse a quibusdam omissa.

X. Versum ultimum Capitis VII. Evang. Iohan. *καὶ ἰσχυροὶ αἱ εἰς τὸ οὐρανὸν αὐτοῦ* ad duodecimum usque Capitis sequentis, ubi historia mulieris in adulterio deprehensae refertur, omiserunt olim quidam Graeci Codices, ut ex Euthymio habetur: quod causam dedit Hugoni Grotio (a), ut eam a Iohanne Graece scriptam negaret; aliis vero Theologis, ut fidem Graeci Textus incussarent. Ceterum nihil est cur hinc praesidium petant adversarii. Nam in paucis Graecis exemplaribus deerat historia illa, in multis contra legebatur etiam Hieronymi (b) tempore: deerat autem in aliquibus, quia ab haereticis (Novatianis forte) fuerat, Augustino (c) asserente, sublata. Quid ergo saepius retusam calumniam in Graecos Codices otiosi homines iterum opponunt? Illorum autem integritatem egregie confirmat id, quod habet Socrates (d), ab initio scilicet scriptum fuisse Iohan. Epist. I. C. IV. 3. *Πάν πνεῦμα ὃ λόγος ἐστὶν τοῦ υἱοῦ* *Omnis spiritus qui solvit Iesum*, pro eo quod nunc est *Πάν πνεῦμα ὃ μὴ ὁμολογεῖ τὸν υἱόν* *Omnis spiritus, qui non confitetur Iesum*; illudque a Nestorianis confossum: quandoquidem eius lectionis antiquitas non ex Latino tantum interprete, sed etiam ex Irenaeo (e) intelligitur. Itaque toto caelo errat Grotius, qui arbitratur id mutatum, ut Gnosticos illos refelleret, qui alium dicebant esse Iesum, alium Christum, alium Μωυσεῖον.

XI. Asseritur etiam Graecorum librorum auctoritate versus septimus Ep. I. Iohannis C. V. *Ὅτι τρεῖς εἰσιν οἱ μαρτυροῦντες ἐν τῷ οὐρανῷ, ὁ Πάτερ, ὁ λόγος, καὶ τὸ ἅγιον Πνεῦμα, καὶ οἱ τρεῖς ἐν εἰς* *Quoniam tres sunt, qui testimonium dant in caelo, Pater, Verbum, & Spiritus Sanctus, & hi tres unum sunt*; quo invictissimum adversus Unitarios argumentum continetur. Neminem ignorare arbitror Erasmi, & Richardi Simonii contra laudatissimum testimonium conatus; quos tamen omnino irritos fuisse ostenderit ex Catholicis doctissimi Theologi, qui eius rei testes Graecos potissimum libros attulerunt. Sed & celeberrimi Scriptores Blanchinus, & Marchio Maffei tantam lucem sententiae Catholicae addiderunt, ut materies omnis contro-

(a) Ad hunc locum. (b) Hier. ubi supra, vide & Athan. in Syn.

(c) L. II. de adul. coniug. C. VII. Adestis Lucam Brugensem ad hunc locum.

(d) Histor. Eccles. VII. 32. (e) L. III. 18.

troversiae penitus ablata videatur : ille enim Magnum Athanasium eius testimonii patronum produxit (a), hic autem Cassiodorum (b).

XII. Satis superque, ni fallor, soluta iam sunt praecipua momenta, quibus recentiores magni nominis Critici Graecorum Codicum fidem labefactare tentarunt. Unum illud silentio praeterire non debeo, quod Marc. I. 2. apud Graecos hodie legitur *ὡς γέγραπται ἐν τοῖς προφήταις* Sicut scriptum est in Prophetis; cum tamen Latini constanter habeant *Sicut scriptum est in Esaia Propheta*. Consentiant Syrus, & antiquissimi interpretes¹. Nec vero Porphyrius homoverfutus locum suspectum adversus Christianos disputans protulisset, aut illi in nodo hoc solvendo multum laborassent. Atqui eandem ipsam lectionem & ego laudo, & ita *ὡς γέγραπται ἐν Ὁνοῖα τοῦ προφήτη* Sicut scriptum est in Esaia Propheta lectum olim fuisse a Graecis auctoritate Irenaei (c) contendo, quemadmodum etiam modo referunt Codices emendatissimi, ut videri potest apud Cl. nostratem Marchionem Velesium, & Lucam Brugensem.

XIII. Contemnenda haec non est difficultas, quae oritur ex Matth. C. XXIII. 35. ubi Zacharias, qui inter templum & altare fuit occisus, filius *Βααζῆς* appellatur. Depravatos Codices nonnulli conqueruntur, quod historiae veritatem animo comprehendere nequeant. Imperitiam aperte fateri satius iis foret, quam eam in calumniam sacri Textus vertere. Ego vero vetustatem lectionis, quam tuentur magno consensu Graeci omnes,

(a) In Exposit. Symboli, quam primus vulgavit Blanchinus.

(b) In Lib. Complex. a Scipione Maffeo edito.

(c) Citat hoc eodem modo testim. Videatur Grotius in Adnotat.

¹ Hugo Grotius Arabem pro hac sententia refert; sed ego multo aliter in ea versione haberi video: *كما هو مكتوب في الانبيا*. Prout scriptum est in Prophetis. Itaque Grotii viri alioqui linguarum peritissimi *μνηστικὰς* puto *ἀντιτύπας*. Quoniam autem ingenui est hominia eos, per quos didicimus, opportune profiteri; honoris gratique animi adversus mearum Thesium censorem mihi designatum Cl. Augustinum Georgium publicum in Romano Archigymnasio Sacrae Scripturae Professore Ord. S. Aug. causa haec adiungam ea, quae vir eruditissimus mecum perhumaniter communicare dignatus est. In Evangelii Viennae an. 1556. lingua Syriaca edita legitur *Sicut scriptum est* *طهرا بحا* in Esaia Propheta. Ceterum in antiquissimo Codice, qui asservatur in Bibliotheca Angelica ex Graeco in Syriacum verso, & a Thoma Eraclea an. 616. cum tribus probatissimis Graecis exemplaribus Alexandriae apud Sanctum Antonium collato habetur *sicut scriptum est* *طهرا* in Prophetis. Quidni ergo in diversis Arabicis Codicibus contingere potuit id, quod & in Syriacis contigit; ut ideo in aliquo ex iis, quos con- suluit Grotius, Codicē legeretur in Esaia Propheta?

omnes, omnesque. Interpretes, sic defendo, ut teneam Barachiam alio nomine appellatam *Ioiadam* etiam fuisse; quod quidem in Codice Hebraeo Nazarenorum diserte apparet. Hanc opinionem egregie illustrat Hugo Grotius pluribus exemplis, quibus liquet, apud Hebraeos in more positum fuisse, ut nomina in alia eiusdem aut vicinae significationis mutarentur ¹.

XIV. His circa Graeci Textus integritatem constitutis, inquiri nunc posset, an omnes Novi Foederis libri Graece primo scripti fuerint. Absque ullo discrimine multi ex Recentioribus asserunt, qui tamen vehementer falluntur; quandoquidem antiquissima Patrum tam Graecorum, quam Latino- rum traditione compertum est Matthaeum Hebraico idioma- te suum Evangelium adornasse; adeo ut Hieronymus plura- nactus fuerit Hebraica illius exemplaria. Hebraica vero lingua, quae tunc temporis apud Iudaeos obtinebat, valde corrupta erat, & ad dialectum Syriacam multum propendens. Hoc ipsum patet ex verbis illis Christi D. e Cruce pendentis apud Matt. C. XXVII. 46. ה'לִי ה'לִי אֵלֵּי אֵלֵּי *Deus meus, Deus meus, ut quid dereliquisti me*: quae quidem Syriaco idioma- te prolata esse docent Lucas Brugensis, Lirinus, & certissime constat, eo quod hebraice aliter efferi debuissent, ut exstant videlicet Psal. XXI. אֵלֵּי אֵלֵּי לֵמָּה זָכַרְתָּנִי . *Eli Eli lama bha- zauthani*. Heic autem אֵלֵּי אֵלֵּי animadvertendum, nomen *Nazarenī* in titulo Crucis Christi eiusmodi litteris נִצְרִי, non vero cum *Zain* נִצְרִי, ut vulgo creditur, scriptum fuisse. Per- spicue id ostendit inter alios doctissimus Morinus: unde primi Christiani appellati נִצְרִי, & ipse Jesus נִצְרִי. Illustrari potest Morini sententia ex Arabico Interprete, qui Johan. XIX.

19. habet الناصري.

XV. De Epistola ad Hebraeos qua lingua & illa exarata- fuerit, nondum certo constat; quamvis elocutio, dicendique modus hebraicum sermonem vehementer oleant: accedunt plu- rimum veterum suffragia. Quocirca eam opinionem vero ma- xime

¹ Non longe eorum nominum significatio dilat; Barachias enim hebrai- ce בְּרַכְיָה explicatur *Benedicens Domino*, aut, *genustellens Domino*; Ioiadas au- tem Hebraicis יְהוֹיָדָע *Domini scientia*, vel *Domini cognitio*. Quemadmodum Rex Salomon שלֹמֹן *Pacificus* appellabatur etiam Iedidias יְדִידָה id est *ama- bilis*. Legatur Grotius in Commentariis, qui & opportune monet, causam nullam esse, cur hac in re Nazaraeorum, aut Ebionitarum fides arguatur; cum eorum Codices hoc etiam loco Hieronymus ipse consuluerit.

a Chryfostomo fere omnes Graeci Auctores *δοξολογίαν* illam admiserint. Coepit autem in Evangelio scribi postquam solemnis precandi consuetudo seu *λατρεία* formam certam apud Graecos acceperat: nam Latinis omnino ignota fuit *doxologia*. Sed & *ἀπλὴ* apparet non a Christo additum, sed ex more veteris Ecclesiae publicas preces ea voce approbantis. Nec alia fuit causa, quamobrem Graeci adnectere consueverint Salutationi Angelicae *ὅτι πάντες ἰνῆς τοῦ σωτῆρος ἡμῶν* quia *servatorem peperisti animarum nostrarum*, quae certe nemo Evangelii verba putavit.

XVIII. Plurima eiusmodi documenta peti possunt ex Luca Brugensi, quaeque mihi recensere non est otium; superius enim tradita abunde ostendunt, qua ratione critice in iis rebus exercenda sit, & cum laude tractanda. Nunc quaedam ex textu Graeco loca, quae ad illustrandam Catholicam Religionem videbuntur opportuna, indicare constitui. Principio quidem Christum Dominum recenter natum a Magis longissimo terrarum intervallo ex eorum Toparchis stellae praefulgentis ductu Bethlehemum appulsis, eo cultu religioso, qui Deo unice tribuatur, adoratum fuisse uberrime ostendunt & eorum munera, & actus, & verba; potissimum phrasis illa Matth. II. 11. *Καὶ πᾶντες προσκύνησαν αὐτῷ* ¹ *Et procidentem adoraverunt eum.* Afferant Sociniani similem loquendi modum ex Novo Testamento, quo cultus Deo proprius non significetur, & tunc minus imperite effutire poterunt Magorum adorationem Christo infanti praestitam fuisse tantum civilem. Egregie autem, & erudite hoc argumentum adversus Samuelem Basnagium institutum versavit Fassonius noster peculiari disertatione superiore anno vulgata.

XIX. Vox *ἀδύον* ubi occurrat apud divinos Scriptores, atque de Christi redemptione agatur, proprie debet intelligi, atque ita quidem ut significet verum pretium pro debitis totius humani generis solutum a Christo Domino, qui proinde vere munus hominum Redemptoris sustinuit. Abeant ergo Grotius, Socinus, Crellius, qui damnatas dirisque devotas perniciosissimas opiniones importune iterum suscitaverunt. Abeat Clericus, qui suis grammaticis coniecturis dubiam huius vocis significationem reddere tentavit callidissime, merito hac in

¹ Vehementius idipsum Arabs expressit vertens *عبروا له سجدا* *Et procubuerunt ei adorantes.*

in parte confutatus a Theophilo Canzio recenti ex Protestantibus Theologo; qui ait (a) : *Quam primum satisfactionis necessitas ostensa est, intelligitur λόγῳ significationem pretium innuere propriissime dictum.*

XX. Iohannes Apostolus initio sui Evangelii λόγον appellat Verbum divinum, non voce usus Platonica, ut contendit Clericus (b), sed quod alia vox apud Graecos non inveniretur ad declarandam Filii increati naturam accommodatior. Nec subiecit huic voci notionem Hebraeis omnino novam. Nam etsi Philo Iudaeus, qui passim eam usurpat, Platoniorum dogmatum fuerit tenacissimus assertor, & Platoni vera eius nominis potestas nunquam affulserit; potuit tamen Philo ex divinis scriptis, aut ex traditione, quae forte apud doctiores Iudaeorum atque magis religiosos viguit, λόγον recte intelligere, ut in eius libris haud obscura eius rei vestigia deprehenduntur. Opinio ista veterum Patrum auctoritati valde consentiens mihi multo probabilior videtur.

XXI. Verbis illis Actor. XVI. 14., ubi vocatio Lydiae narratur ἡ δὲ κύριος ἀνοίγει τὴν καρδίαν αὐτῆς τοῖς λαλομένοις ὑπὸ τοῦ Παύλου cuius Dominus aperuit cor intendere his, quae a Paulo dicebantur emphasim magnam involvi fatebuntur quotquot sint idiomati sacrorum librorum assueti, & ex animi sententia loqui velint: iis enim eiusmodi locutiones vim quandam, qua interna divinae gratiae efficacia aptissime exprimitur, habere videbuntur. Nec mihi aliquis obiciat magnorum cetera Criticorum Capelli, Hammondii, Clerici, qui contra locuti sunt, nomina; ii enim odio in Catholicos incensis rebus perspicuis tenebras obducere undique conati sunt, atque ut externam Evangelii praedicationem ad fidem, quae etiam in salutem operetur, sufficere sustinerent, nullum non moverunt lapidem.

XXII. Actor. XVII. 23. habetur quod praeteriens Paulus invenerit aram Athenis positam, cui inscriptum legebatur Ἀγνώστῳ Θεῷ Ignoto Deo. Negat Hieronymus (c) inscri-

(a) Usus Philos. Leibn. & Wolf. §. 718.

(b) Ars Crit. P. II. S. I. C. XV. & Epist. Crit. VII. & VIII.

(c) In Epist. ad Tit. C. I.

x Hanc eandem inscriptionem laudat inter alios Syncellus, qui aram ab Atheniensibus excitatam memorat ob crudelissimam famem, qua illi circa Olymp. CCV. laborarunt. Adest Rñm P. Corinnum mei Ord. supremum moderatorem, qui

scriptionem arae, quam Paullus refert, habuisse *Ignoto Deo*; sed *Diis Asiae & Europae & Africae*, *Diis ignotis*, & *peregrinis*: alii autem volunt *Diis ignotis & peregrinis*. Ego quidem non omnino consideratos arbitror esse omnes, qui Paulli inscriptionem mutare, aut ut minus accuratam emendare contendunt, cum ea satis sibi constet, atque validissimis fulta praesidiis consistat. Athenienses autem nomine *Ignosi Dei* Deum verum, quem a Philosophis eorum popularibus, forsan etiam a Iudaeis ἀπῆλθεν, καὶ ἀνεκφώνητον ineffabilem esse intellexerant, coluisse, Baronius (a), Lorinus, aliique nostri temporis gravissimi viri egregie opinati sunt¹. Quocirca Clemens Alexandrinus, atque Augustinus diserte asserunt Athenienses unum Deum verum licet sibi ipsis ignotum adorasse.

XXIII. Mihi denique explicandum sumo locum illum Luc. XXXIII. 44. Ἦν δὲ ὥρα ὅτε ἦν, καὶ σκότος ἦν ἐπὶ ὅλην τὴν γῆν, ἰδὲ ὥρα ἑνάτης· καὶ ἐπορεύθη ὁ Ἰησοῦς. *Erat autem hora quasi sexta, & tenebrae factae sunt super universam terram usque ad horam nonam; & obscuratus est Sol.* Quibus verbis certo certius intelligere licet, tenebras, moriente Christo Domino, non Iudaeae tantum, sed universis etiam, quae late patent, incubuisse terris; & unam celeberrimam hanc Solis Eclipsim plurimis fuisse insignem prodigiis. Quae omnia insigni eruditionis copia more suo persequitur (b) Canus Episcopus Canariensis nobilissimus ex Ordine Praedicatorum Theologus. Eius autem Eclipsos Phlegon Hadriani Libertus mentionem iniecit: tenebrarum etiam meminerunt Thallus apud Iulium Africanum, cuiusque prodigii monumenta in Archiva Ethnicorum fuerunt illata, quemadmodum Terrullianus (c), Lucianus (d), Hieronymus (e) apertissime testantur.

qui in Immortali Opere Fast. Att. T. IV. ad Olymp. CCV. more suo, hoc est eruditissime, locum illustravit.

(a) Annot. ad an. Chr. 51. quem consule. (b) Lib. XI. C. 2. Vid. Huettius Dem. Evang. Prop. II. num. 8. (c) Apolog. C. XXI.

(d) Apud Ruf. Lib. IX. Hist. Euseb. C. VI. (e) In Matth. XXVII.

¹ Habeto versionem Arabicam, ex qua tota sententia illustratur

لَا إِلَهَ إِلَّا اللَّهُ Deo qui ignoratur.



P A R S I I I.

De vetere Hispanae Ecclesiae dignitate.

L



NEQUAM mihi gratum est atque iucundum de vetere Hispanae Ecclesiae dignitate disserere, quod ibi viri summi magno numero claruerint, qui rebus sapientissime gestis eam nobilitarunt. Atque principio quidem originem illa repetit ab ipsis Apostolis, a quibus veluti purissimis fontibus, quemadmodum Magnus Hieronymus memorat (a), Religionis Christianae hausit exordia. Hi autem Apostoli sunt Iacobus Maior, & Paulus, qui, ut perpetua a Maioribus nostris ducta traditione constat, Christi Evangelium in Hispaniis praedicarunt. Nec moror recentiores Criticos, qui & ingenti coniecturarum agmine, & veterum Auctorum silentio freti Iacobum nobis eripere moliantur: cum certe coniecturae illae penitus dissolvantur, & aliunde etiam idonea ad receptissimam opinionem

(a) In Comm. ad Esai. C. XXXIV. Conferatur cum Comm. in Epist. ad Roman. C. XV.

1 Auctorum nobis adversantium argumenta satis superque diluerunt Patres Bollandiani ad diem XXV. Iul. & in Supplem. ad Mens. Augusti, & Cl. nostras Henricus Florezius *España Sagrada* Tom. III. & T. VI., ubi Cl. Mamachi conatibus Antiq. Christ. T. II. C. XXIII. occurrit. Vellem ipsum sedato animo consulerent Recentiores, nec alii in aliorum sententiam quasi pedibus irent.

nem tuendam testimonia ^a proferri possint. Ad Paulum vero quod attinet; eum tandem in Hispanias promissi (a) memorem concessisse, Clementis Romani, Athanasii, Cyrilli Hierosolymitani, Iohannis Chrysostomi, Hieronymi, Gregorii Magni, Theodoret (b) omnium fere Patrum vox est. Id ipsum luculenter illustravit, atque extra omnem dubitationis aleam positum esse novissime ostendit Cl. Mamachius O. P. acerrimi iudicii vir, & in Antiquitatibus Ecclesiasticis versatissimus (c).

II. Primi tamen Hispaniarum Ecclesiarum proprii Fundatores merito suspiciuntur septem Episcopi Torquatus, Ctesiphon, Indaletius, Secundus, Euphrasius, Caecilius, Esicius, & Beatissimus Petrus & Paulo Apostolis ordinati, atque in Hispanias circa ultima Neronis tempora directi: quorum opera tantum fidei catholicae accessit incrementum, ut saeculo integro nondum elapso omnes Hispaniarum terminos Christo iam subditos asseruerit Auctor ~~antiquissimus~~ Tertullianus (d) post Iustinum (e), & Irenaeum (f); quorum testimonia perpendens Baronius (g) temperare sibi non potuit, quin Ecclesiam, quae tunc erat in Hispaniis; appellaret *florantissimam*. Unde omnino inconsiderate scripsit Sulpicius (h) non nisi post Aurelianium, qui Imperator renuntiatus est an. Chr. 280. Dei Religionem trans alpes fuisse susceptam; secus ac de Evangelii iam inde a primis temporibus propagatione per universum terrarum

- (a) Ad Roman. XV. (b) Consule Schellstratum Antiquit. Eccl. T. II. Diss. IV. C. VII. (c) Antiq. Christian. T. II. Lib. II. p. 287. (d) Adversus Iudaeos C. VIII. (e) Contra Tryph. (f) Lib. I. C. X. (g) Annal. T. I. ad an. Chr. LXXIX. (h) Hist. L. II. C. XLVI.

¹ In Officio Toletano antiquissimi ritus S. Iacobi in Hispanias accessus hymno sacro recolitur, quem quidem ante Corporis inventionem confectum esse, quidquid contra Censuram praeclare aliqui de Hispanis meritis contendat Tal. C. II., argumento invictissimo ex Ritu Gothico mihi videor tandem deprehendisse. Stat etiam pro Hispanis Sanctus Ecclesiae Doctor Isidorus Lib. de ort. & obit, SS. LXXII. Negant hodierni Critici Isidoro laudatum opus. At nemo huc usque documentis, quae in eius defensionem proposuit Cl. nostras Nicol. Antonicus Bibl. Hisp. T. I. L. V. C. IV. respondere potuit. Itaque opus etiam forte aliquatenus vitiatum Isidoro vindicandum censeo. Affertur etiam a Nostratibus pro Iacobi adventu testimonium Iuliani Toletani, Valafridi, & Martyrologium Florentinii. Vid. Florezius ubi supra.

² Huius Historiae fidem facit codex ille antiquissimus Conciliorum Hispan. ante octingentos annos scriptus apud Iohan. Pin. Aet. SS. Tom. VI. tract. praev. n. 9. In Martyrol. antiquis, ad diem XV. Maii apud Bolland. ibidem; & Gregorius VII. Epistol. LXXXIV.

rum orbem, ac potissimum per Hispanias superiores Scriptores tradiderant. ¹

III. Huic rei plenissimam lucem afferunt duo clarissima inter alia monumenta : Concilium videlicet Eliberitanum, & uberrima Martyrum seges persecutionum tempore Christo ab illis Ecclesiis consecrata, quorum laudes cecinit celeberrimus Poeta Caesar-Augustinus ² Aurelius Prudentius. Ante alios celebrat ille Hymno V. ~~Qui superius~~ Vincentium Diaconum, qui Valentiae Edetanorum nobilissimum triumphum reportavit anno CCCXLII. Aerae Hispanicae ³, aut 304. Aerae vulg. Chr. sub Maximiano Herculo, cui Hispania parebat, quidquid contra effusit Dodvrellus. Sanctissimi Levitae Patria, de qua religiose inter se se concertant Hispani, certissima est Prudentio Caesar-Augusta; quod ex Hymno IV. 4, quo hanc Ur-

¹ Errorem Sulpicii notavit Polius noster in Comment. ad diem XXIX. Ian. Martyr. Rom. n. 7.

² Qui hymnum IV. de XVIII. Martyribus Caesar-Augustanis sedato animo legerit, dubitare non poterit, quin ea fuerit eius Patria. Miror doctiss. nostratem Nicolaum Antonium rem certam in controversiam revocasse; an erat in hoc studio partium non nihil servendum?

³ Utemur Epochae genti nostrae propria, Aera videlicet Hispanica apud Chronologos celeberrima, quae initium ducit ab anno, quo facta a Triumviris totius Orbis partitione & a Senatu approbata Caesar-Augustus Hispanis imperare coepit; quod contigit An. Per. Jul. 4676. Urbis C. 716. annis 38. ante Aeram Christi vulgarem, quod tenendum esse nuper laudatus Auctor Florentius demonstravit adversus Cl. Marchionem Mondexarensensem, qui ut erat in his rebus accuratissimus anno integro mutandam esse putaverat.

4 Martyrum credas patriam coronis

Debitam sacris.....

Inde Vincenti, tua palma nata est
Clerus heic tantum peperit triumphum

Heic Sacerdotum domus insulata

Valeriorum. *Paulo post.*

Nonne, Vincenti, peregre necandus

Martyr his terris tenui notasti

Sanguinis rore speciem futuri

Morte propinqua.

Hoc colunt cives, velut ipsa membra

Cespes includat suos, & paterno

Servet amplectens tumulo beati

Martyris ossa.

Noster est quamvis procul hinc in urbe

Passus ignota...

No-

Urbem eius Patriam collaudat, adeo manifeste deducitur; ut locus dubitandi nullus relinquatur. Id ipsum Graecorum; quibus Vincentii dies festus fuit maxime sollemnis; Menologia, Basilii Porphyrogenetae (a), & Menaea luculenter ostenderunt.

IV. Alterum argumentum, quod indicavimus, est Concilium Eliberitanum, aut verius Illiberritanum, & vetustate, & rebus in eo definitis, & Episcoporum numero nobilissimum; nostraeque Hispaniae honorificentissimum, habitum priusquam pax Ecclesiae reddita fuisset Maximiano imperante circa annum Aer. Hisp. CCCXLI. vulg. Chr. 303. labente vere. Ea est Epoche Cardinalis Aguirrii, quam ceterorum Chronologorum calculis praeferendam existimo. Certe qui eius tempus post Constantini conversionem reiiciunt innumeris implicantur difficultatibus, quas miror Archiepiscopo Tarraconensi summo critico non occurrisse. Urbs ea, ubi celebrata est Synodus, sita olim fuit in Provincia Baeticae prope Granatam, cui honorem eius Concilii deferendum esse, non vero Illiberi Narbonensi opinatus est magno rationum pondere commotus doctissimus Ferdinandus Mendoza habita ea de re singulari dissertatione. Integris LXXXI. Canonibus multa aeque ac utilia Ecclesasticae disciplinae capita prudentissime stabiliverunt Episcopi XIX. numero, qui ex tota Hispania in unum illum locum convenerant.

V. Adfuit autem inter alios eidem Concilio Magnus ille Episcopus, *Synodorum princeps, qui formulam Fidei in Nicæna Synodo concepit, & Arianos ubique pro Haereticis traduxit* (b), qui auctor fuit Constantino Magno, ut Religionem Christianam amplecteretur (c), Hosios, inquam, Cordubensis Episcopus. Praefuit vir celeberrimus Concilio primo Genera-

li

Noster & nostra puer in palestra. Inde;
Tuque, Vincenti, cui sanguis hinc est
Fons & honoris.

(a) Men. Bas. Τῇ αὐτῇ ἡμέρᾳ ἀθάνατος τῷ ἁγίῳ Μάρτυρι Βινcentii Διάκονῳ. Ἀπὸ Ἀνγκεσπάλου: ἢ οὕτως. Eodem die triumphus Sancti Martyris Vincentii Diaconi. Caesar-Augustus hic erat. Et Menaea de Vincentio: Οὗτος ὦν . . . ἀπὸ Ἀνγκεσπάλου ἱερμόμηνος. Hic erat Caesar-Augustae ortus. Haec & alia videri possunt apud magnum Philologum Politum nostrum, qui et primus omnium collegit in Martyr. Rom. Comm. ad diem XXII. Ian.

(b) Verba sunt Athanasii in Epist. ad Solitar.

(c) Baronius ad ann. CCCXIV. ex Zosimo L. II. p. 685.

li Nicaeae adversus Arianos coacto, nomine Silvestri Romani Pontificis¹. Praefuit & Sardicensi sub Iulio Papa². A fide Catholica, quam ubique acriter defenderat, nunquam defecit³, nec contra Athanasium (a) subscripsit, quamvis nullum non movissent lapidem Ariani, ut id a constantissimo Senae extorquerent. *Moriturus etiam Arianam haeresim condemnavit, vetuitque eam a quoquam probari ac recipi (b)*. Putidam ergo fabellam, quae de eius obitu apud Iudorum (c) legebatur, laciniam esse Luciferianorum opera intrusam assutamque nullus dubito; cum certe ab Athanasio audiat *Abrahamicus senex, vita irreprehensibilis, Ο αληθής υιος vere Hōiūs, vere sanctus*; adeo ut ab Ecclesiis Orientalibus tanquam Sanctus colatur, eiusque mentio & in Menologiis Graecorum (d), & in Calendario Syriaco (e) habeatur vel maxime honorifica.

VI. Hosio sanctissimo Confessori Laurentium adiungo Marti-
tyrem

(a) Athan. ad Solit. — (b) Athan. ibi. — (c) Adefis Tillemont. T. VII. tit. Ofius Art. 9. & Contin. Boll. vit. S. Athan. cap. 21. n. 251.

(d) Menae. ad diem XXVII. Augusti: Menolog. Metricum: Menolog. Cardin. Albani: Martyrologium Taurinense Mf. Bolland. *Sancti Patris Hosii Episcopi Cord.* meminerunt. — (e) De Calendario Syriaco ad V. Nos. vembr. vide quae exstant apud Nic. Anton. Bibl. Hisp. T. I. L. II. C. I.

1 Negat Blondell. in Apol. Gen. Franc. sed habemus testimonium Eusebii apud Ratram. Corb. L. IV. C. 8. Tom. II. Spicil. Dach. & colligitur ex Athanasio citato, Severo Sulpicio Hist. L. II. Hinc primus omnium subscripsit.

2 Appellatur ab Athanasio eius Synodi *εργαστης* princeps, ductor.

3 Sanctissimi viri famam obkursare tentarunt Donatistae, Ariani, Luciferiani pessimae fidei homines. Illorum calumnias refellit Sanctus Augustinus L. I. contra Epist. Pysmen. C. VIII. & L. de unic. Bapt. C. XVI. ut certe supervacaneum foret causam omnino confectam peragere. Paulo difficilius est Hosium vindicare ab Arianorum imposturis; aiunt eum, exemplum formulae Syrmienensis conscripsisse. At vero cum in exemplari latino eius Synodi nullus haberetur titulus, ut ex Athanasio Lib. de Synod. & Socrate L. II. C. 30. certo liquet; quis non videat titulum illum Arianorum maledicentia Versioni Graecae affictum fuisse? Hilarius in Phrygia exulans Arianis circumdatus Hosium in titulo posuit ab illis deceptus. Leg. PP. S. Mauri in Oper. Hilar. col. 1155. & P. Ceillier Histoir. T. IV. C. 14. n. 7. Communionem cum Ursacio & Valente, quam Hosio tandem exprobrant, eam fuisse tantum civilem aio, quaeque SS. Basilii, Martini, Eulogii exemplo defendi penitus potest. Consulatur Athan. Apolog. II. & Epist. ad Sol. Epiphan. advers. haer. L. III. haer. 73. n. 14. & Sev. Sulp. L. II. Sed & omnium uberrime causam egit eruditiss. nostras Florezius Ord. S. Aug. *Espan. Sagrad.* T. X. Tract. 33. C. 5. quem legant Recentiores, & postea Hosium condemnent.

tyrem invidiissimum; quem civem nostrum Hispani longa saeculorum serie nemine reclamante venerati sumus, quamvis Romae Martyrium subierit. Sed heri aut nudius tertius, ut ita loquar, Cl. Blanchinus vir praeclare de Antiquitate Ecclesiastica meritis cum de Sacramentario Veronenli a se primum edito, notisque illustrato discesseret, Laurentium Romana Civitate donandum, Romanorumque popularem pronuntiavit. Cui tamen opportune occurrit Cl. Franciscus Perezius Valentinus (a) divinarum humanarumque litterarum scientissimus, qui opinionem immaturam penitus profligavit; auctoritatem Sacramentarii, quod Leoni Magno tribuendum putaverat Blanchinus, valde infirmam, immo eo loco, ubi de Laurentio agitur, omnino nullam perspicue ostendit, & quasi postliminii iure nobis Laurentium restituit. Vindicavit similiter Hispanis Damasum Romanum Antistitem, quem Hispania ipsa secunda Heroum mater dedit, ut in Cathalogo Feliciano, & Anastasio Bibliothecario diserte traditur; enodatis quibusdam coniecturis, quibus post Tillemontium aliqui Biographi paullo liberiores monumenta, vel ab ipsis Heterodoxis honori habita traducere non sunt veriti.

VII. Ipso eodem tempore, quo Constantinus imperabat, Caius Aquilinus *Iuvenius nobilissimi generis Hispanus Presbyter scripsit quatuor Evangeliorum libros Hexametris versibus* (b); atque (c) omnium primus res sacras carminibus nobilissime versavit; exemploque praeluxit Prudentio, Sedulio, Aratori & ceteris eiusmodi Vatribus: unde magna laus Hispaniae nostrae accrescit, quae primum Poetam sacrum suum indigenam veneratur. Eum multo eruditorem existimavit (d) Barthius, quam vulgo alii putent, quamvis stilum premat, & verba ipsa Sacri Evangelii retinere laboret. Itaque nimis acre videtur Ludovici Vivis iudicium, quod de Iuvenico exstat Lib. III. de tradendis disciplinis.

VIII. Difficillimis illis ante Constantinum temporibus nulla videtur inter Episcopos Hispanos agnita Hierarchia, ita ut

alter

(a) Binae dissertationes Romae MDCCLVI. a Cl. viro, publico rei litterariae bono Hispania dato, editae consulantur: nec dubito, quin Lector quicumque ille sit veritatis amans in nostram sententiam concedat.

(b) S. Hieronym. de Scriptor. Ecclesiasticis.

(c) Primus enim docili distinguens ordine carmen

Maiestatis opus metri canit arte Iuvenicus.

Venant. Fortunat. initio vit. S. Martini. (d) Lib. XXL Advvrs. C. V.

alter alteri dignitate praeceminere putaretur , quod exemplo Martialis , & Basilidis , quorum caussa ad Episcopum Carthaginensem delata fuit , perspicue ostendit Ferdinandus Mendoza (a). Quo loco reprehendi merito debet Cl. Veteris ac Novae Disciplinae auctor Thomassinus (b), qui Canone LVIII. Conc. Illib., ubi de litteris communicatoriis ab Episcopo *primae Cathedrae* examinandis decernitur, adductus oppositum existimavit. Quae tamen verba non Metropolitanum, ut ille sibi persuasit, sed Seniores Episcopum indicare iis etiam notum est, qui veterem disciplinam vel summis labris delibarunt.

IX. At vero post Constantini sanctionem, quae an. Aer. Hispan. CCCLXX, Chr. 322. edita est¹, Hispania in quinque Provincias² divisa, in ea quinque similiter Metropoles Ecclesiasticas agnitas fuisse Tarraconensem scilicet, Carthaginensem, Baeticam, Lusitanam, Bracarensem pro comperto habetur; ut ita deinceps ad Metropolitanos ea deferri consueverint, quae prius Episcopi *Ordinatione* antiquiores exercuerant; & *Ecclesiasticarum rerum disciplina*, quae saeculo illo & sollemni templorum dedicatione, & novarum sedium Episcopatum accessione magnum incrementum nata est, coeperit secundum Nicaenos Canones vigere. Hinc *Causae maiores* Romam deferbantur, quemadmodum Patres Sardicenses decreverant; quod constat ex *definitiva sententia* in Concilio Toletano Primo adversus Paternum Bracarensem Episcopum lata. Fidem huic documento praestare detrectant Quenellus, Natalis Alexander, Antonius Pagius, qui tamen facile refelli possunt cum ex Chronico Idatii, tum ex Epistola II. S. Innocentii; nisi haec forte ad aliud Concilium referenda sit.

X. Eorum autem, qui puram putam Hispanae Ecclesiae formam intueri cupiunt, plurimum interest monumenta minus certa a sinceris secernere. Quocirca Decretales omnes (si fragmenta quaedam apud Patres concurrentia, & Epistolae Synodicae Damasi ad Paullinum Antiochenum excipias)
ante

(a) In Notis ad Concil. Illib. Lib. III. Cap. 42.

(b) De Benef. P. I. L. I. C. 40. n. 7. & C. 3. n. 4.

¹ Novam hanc Provinciarum dispositionem biennio post urbis dedicationem cum Pagio adversus superiores Chronologos, Cassiodori & Alexandri-
no Chronicis faventibus, ad consulatum Pacatiani & Hilariani reicimus.

² Omittimus Baleares insulas, & Mauritaniam Tingitanam.

ante Siricium Collectionis Pseudo-Isidorianae prorsus supposititias respuo; neque ullum inde argumentum ad veterem Ecclesiae disciplinam comprobendam, quod iam doctissimi Cardinales Baronius, & Bona viderunt, afferri poterit. Cavendum, ne illarum Auctor ex Hispania repetatur, ut vulgo fieri solet; ab hac enim calumnia nostrares vindicavit eruditissimus Cenius (a), qui & post Aguirrium (b) pluribus confirmat Collectionem Canonum peculiarem, quae sensim a Praefulibus augeretur, iam inde a saeculo quarto in Hispaniis obtinuisse: id quod ex Conciliis Bracarensi I., & Toletano III. demonstrari solet. Quamobrem Petrus Constantius (c) ingenue profitetur: *magnam Hispanis laudem deberi, quod in texendis eius generis lucubrationibus Reginones, Anselmos, Burchardos, Ivones, Gratianos, ceterosque Canonum compilatores ante-iverint*. Nihil autem definire audeo de Collectione illa, quam in quinque & quadraginta distinctam Capita publici iuris fecit (d) doctissimus Aguirrius, cui certe ob eam causam gratiae plurimae haberi debent. Vellem in idem monumentum sacrae antiquitatis studiosi diligentius inquirerent, ut collatis eorum studiis compertum tandem haberetur, num ea Collectio sit vere Isidoriana, quod Cenius (e) multo verisimilius existimavit.

XI. Paruerat Hispania Romanorum Imperio usque ad an. Aer. CDXLVII. Chr. 409., quo tempore Wandali, Suevi, & Alani Hispaniam ulteriorem devastarunt: mox, ante annum, videlicet Aer. CDLII. Chr. 414., Gothi in Hispanias descendunt Athaulpho duce, qui primus Hispaniae Rex constanter ab Historicis recensetur. Athaulpho Barcinone trucidato sufficitur Sigericus Aer. CDLIII. Chr. 415., qui quidem omnes usque ad an. Aer. DXLIV. Chr. 506. apud Tolosates Regiam constituerant. Narbonam inde sedem transtulerunt, ubi Geselicus regnum obtinuit. Non multo post Toleti Reges Gothos confedisse, ibique regias aedes collocasse, tum Theudis a coniuratis vulnerare affectus in Palatio, tum Athanagildus propriam in ea urbe mortem occumbens, tum denique Sedis regiae Toletanae institutio facta a Leovigildo an. Aer. DCXXIII. Chr. 585. non obscure

(a) Antiq. Eccl. Hisp. L. I. in Praef. & alibi passim.

(b) Coll. Concil. Hispan. Tom. III. P. I.

(c) Epist. Roman. Pontif. Praef. num. 150.

(d) Conc. Hisp. Tom. III. (e) Ubi supra.

scure indicant. Unde animadvertendum, quod Provincia Narbonensis Gallia Gothica dicta Hispaniarum Ecclesiae permansit & Legum, & Rituum communione coniuncta.

XII. Non est putandum Praefules Hispanos post Concilium Eliberitanum otio deditos nullum conventum celebrasse. Exstat enim inter alia Concilium primum Toletanum an. Aer. CDXXXVIII. Chr. 400. non longe post Caesar-Augustanum habitum Cos. Stilicone sub Anastasio Pontifice. In eo autem quatuor continentur partes; viginti Canones; Regula fidei; Exemplaria Professionum; Definitiva sententia. Quod ad Canones attinet, ipsos eidem Synodo adscribendos contra Tillemontium (a) erudite ostendit Cl. Florezius (b); qui rebus antiquis non minus quam obscuris eruditissima dissertatione multum luminis attulit. Regula Fidei * proficitur: *Spiritus quoque Paracletum esse, qui nec Pater sit ipse, nec Filius, sed a Patre Filioque procedere*. Nec ea lectio ullo modo sollicitari potest, cum omnes Codices in eam mirifice consentiant. Quod quidem ~~Dogma tunc primum sollemniter~~ XIX. Episcoporum Synodo declaratum; inde vero Symbolo adiectum, ab universa Ecclesia Nicaeae secundo congregata comprobatum est. Hinc certe singulari laude prosequendi omnes illi Praefules, quod Spiritus Sancti Processionem a Patre & Filio publice ante omnes definirent, & sollemniter profiterentur. Adversus Priscilliani sectatores, qui Hispanias perturbare, coeperant, non parum opera in primis Patruini Praefidis ibi quoque laboratum est.

XIII. Sed longe plurimum commendari debet S. Turibius Asturicensis Episcopus, qui omnes vires suas in evertendos Priscillianistas contulit, quidquid oblateret Quesnellus, eo-que penitus ex Hispania deturbavit. Ut autem Fidei causam honorificentius sustinere posset S. Praeful, omnium Occidentali-um * primus a Leone Romano Pontifice litteris ad ipsum datis

(a) Tillemont. Tom. XV. Art. XIX. pag. 456.

(b) *España Sagrada* Tom. VI. Traç. VI. Dissert. I.

1 Ad tempora S. Leonis Regulam fidei retulerunt superiores Critici; quod non animadverterent, eius Concilii Acta non esse autographa, sed ab Auctore sub finem quinti saeculi fuisse scripta, ut acute vidit Florezius, quae semel ambiguitate detecta, nihil est cur ea ab hac Synodo removeatur.

2 Nam in Oriente iam antea instituta ab Innocentio. Vid. Lucas Holsten. Col. Rom. pag. 40.

datis amplissima Vicariatus Apostolici dignitate : circa an. Aer. CDLXXXV. Chr. 447. Alipio & Ardeburio Cos. exornatus est : quae quidem dignitas ab iis cum *Prinatu* confunditur, qui minus considerate in eam inquisiverunt, quibus annumerandi sunt Morinus (a), & Ludovicus Thomassinus (b), viri alioquin doctissimi. Nec audiendi sunt, qui post Ambrosium Morales, plaudente Aguirrio, alterum Turibium ab Asturicensi distinctum Sanctae Sedis *Notarium* comminiscuntur, per quem Pontifex ad Episcopum Turibium litteras transmissit, cum id per Pervincum Turibii Diaconum praestitum fuisse, Idatius tradiderit disertissime.

XIV. Operam suam omnem contra Priscillianistas simul cum Turibio coniunxerunt Ceponius & in primis Idatius seu Hydatius. Hic est celeberrimi Chronici auctor Lemicensis Episcopus pietate & litteris summe omnium commendatus. Post Turibium alii etiam Antistites Vicarii Apostolici renunciati sunt; ut Zeno Metropoli Hispaniensis sub Simplicio Papa, Iohannes Illicitanus Episcopus & Sallustius Hispaniensis sub Hormisda; in quibus longe clarius eius dignitatis effulget conditio; quod scilicet Vicariatus non Sedi, sed Personae fuerit addictus, nec cum eadem semper iurisdictionis potestate. Hinc intelligitur singulare studium erga Episcopos Hispaniae, atque Romanorum Pontificum sollicitudo. Id ipsum confirmat celebre Rescriptum Vigilii ad Profuturum Praefulem Bracarensem, quo multa & Liturgiae, & veteris disciplinae capita continentur, datum Cos. Flav. Iohanne an. Aer. DLXXVI. Chr. 538., ut Baluzius ex Codice Colbertino testatur, die XXIX. Iunii, quo tempore mortuo Silverio Vigilius verus erat Pontifex ex Pagii Chronologia. Quis ergo ille inter Epistolas Antipapae laudatum Rescriptum referre potuit? Nec scio an gravius peccent, qui

(a) Exercit. Eccl. L. I. Exerc. XV.

(b) De Benef. Lib. I. par. I. Cap. 30.

1 Patent ea omnia ex Epistolis S. Leonis; potissimum ex Epist. XCIII. quam ab omni suspitione contra Baluzium purgat Aguirrius Tom. II. p. 220. Concil. Hispan. Expressius vero, ex Chronico Idatii ad Olymp. CCVI: Romanae (inquit) Ecclesiae XLIII. praesidet Episcopus Leo. Huius Scripta per Turibii Episcopi Diaconum Pervincum contra Priscillianistas ad Hispanienses Episcopos deferuntur. Inter quae ad Episcopum Turibium de observatione Catholicae Fidei, & de haeresum blasphemis disputatio plena dirigitur. Dubitavit Loaisa de legationis effectu, & navata in Haereticos opera; sed potuit rem totam intelligere ex verbis Montani in Synodo Toletan. II., quibus nihil Turibio honorificentius.

qui documentum illud cum Baluzio lacerant , an qui ei lacinias cum Dupinio adsuunt (a) ?

XV. Ea tempestate , qua Catholicos acerrime vexabant Ariani , nonnulla Concilia celebrata leguntur . Toletanum II. an. Aer. DLXV. Chr. 527. sub Montano Metropoli Chartaginensi . Illerdense an. Aer. DLXXXIV. Chr. 546. novem Episcopis ornatum . Valentinum , cuius Epochen recte ad eundem annum retulit doctissimus Aguirrius , reclamantibus Binio , Labbeo , Cossartio , quibus fucum fecerunt nonnulli depravati Codices , qui in Isidoro Theudem pro Theodorico referunt . Quod ad Provinciam attinet , litem sub iudice reliquit Aguirrius ; sed Pagius Valentiam Edetanorum eam esse pronunciat , cui ultro consentio , qui non video , qua ratione dicta Synodus ab Hispanis abiudicari unquam potuerit . Concilium Bracarense circa annum Aer. CDXLIX. Chr. 411. , quod Labbeus ex Monarchia Lusitana Bernardi de Brito in suam Collectionem transtulit , nihil habet quod opus figlinum non redeat .

XVI. Sed meliora iam nunc persequamur tempora Monarchiae videlicet ~~Hispaniae, cuius auspiciis, atque condito-~~ rem Leovigildum esse testantur Iohannes Biclarensis , & Isidorus Hispalensis , in quorum oculis acta res est . Itaque Monarchiae initium ab excidio regni Suevorum , quod secundum Biclarensem contigit an. Aer. DCXXII. Chr. 584. ad diem XIV. Augusti , repetendum . Ineunte vero anno Aer. DCXXIV. Reccardus Regum omnium Catholicorum primus (etiam forte non improbabile sit Leovigildum Catholicum tandem obiisse) Monarchiam a Patre paulo ante institutam suscepit , & post decimum regni sui mensem Catholicam Fidem amplexus est , atque inde unius anni spatio interiecto tota Gothorum gens ad eandem Fidem , eiuratis Arianorum dogmatis , profitendam Toletum concessit , Nationali Synodo congregata , operam in primis navante Leandro Hispalensi . Hinc habes , quo anno certa Regni Catholici Epocha stabilienda . Ego vero mihi temperare non possum , quin Reccardum cum Patribus Toletanis (b) Catholicum , Orthodoxum , atque Regem gloriosissimum praedicem ; tum & felicissimum eius Monarchiae statum , quem mutua Regum & Sacerdotum inter se sollicitudo ,

(a) Adefis Cenium Antiq. Eccles. Hispan. Tom. I. Dis. III. C. IV. n. 13.

(b) Concil. Tolet. III.

I Legatur Observatio P. Antonii Pagii ad an. 546.

do¹, atque animorum coniunctio singularem, & adeo faustum constituerunt, ut ne excogitando quidem aliquid praeclearius intelligi posse videatur².

XVII. Sollemnis Regum Catholicorum inauguratio & consecratio Episcopali manu facta oleo in verticem effuso coepit in Hispaniis, nullo aliunde praeterquam ex divinis Scripturis ducto exemplo, ante an. Aer.DCCX. Chr.672., quo Wamba Regni solium obtinuit. Eius rei fidem integram faciunt & Concilia Toletana (a), & Iulianus (b) Auctor synchronus. Unde sacra ungendi Reges consuetudo originem ducit a Gothis Hispanis, quibus tota haec gloria vindicari debet. Iniuria Galli sibi usurpant Ducatum, Comitatum, Iudicaturarum, Politiam; enim vero eius institutio non Franchis, sed Gothis Regibus ferri debet accepta, ut vel ipsius Gregorii Turonensis testimonio, quo male utitur Ducangius, evidenter ostenditur³.

XVIII. Nobilissimum *Catholicis* cognomen, quod tanquam praecipuum Maiestatis decus Hispaniarum Regibus tribuimus, a Sixto IV., Innocentio VIII., & Alexandro VI. Summis Pontificibus instauratum iam inde suum principium derivat a Chintilane, aut potius a Reccaredo, qui ob res pro Fide Catholica praeclarissime gestas eo titulo in Concilio Nationali Tolet. III. unanimi Patrum consensu & plausu insignitus est. Ut autem Monarchia Catholica illustrius in dies effulgeret, coeperunt Principes leges Gothicae genti proprias ferre, atque inter eos primus Chindasvinthus an. Aere DCLXXXI. Chr. 643., quas quinquennio interlabente eius Filius Reccesvinthus novis latis *Forum Iudicum* sollemniter promulgavit. Quarum volumen confectum prorsus videtur Egicanis, aut Wittizae temporibus, longe post obitum Isidori, qui proinde Collectionis auctor non est appellandus.

XIX. Quan-

(a) Concil. Tolet. XII. cap. I. & sequent.

(b) Apud Duchesn. Tom. I. pag. 821.

¹ Difficile dictu in utro plus esset, quod miremur: an observantia, & humanitas Regum in Episcopos, an vicissim pronissima Episcoporum in Reges veneratio? Thomassinus de Vet. Discipl. Part. II. L. III. C. L. num. 2.

² Voltaire *Hist. de Charl. XII. Roy de Sved. Livr. II.* Gothicam dominationem in exemplum praesentis Poloniae Reipublicae adducit; sed ille eam fingit, qualis revera nunquam fuit.

³ Eundem postea morem inde ad Franchos esse profectum libenter cum Walafrido concedimus.

XIX. Quantum sub Regibus Catholicis floruerint Hispaniarum Ecclesiae & plurima Concilia tam Provincialia quam Nationalia tunc celebrata, & summi viri Leander, Martinus Dumienſis, Iohannes Biclarenſis, Fulgentius, Iſidorus, Braulio Caesar-Auguſtanus, Ildephonſus, Eugenius, Iulianus, pluresque alii multis nominibus praeclari, qui tunc Hispanias illustrabant, perspicue demonstrant. Concilia vero Hispaniae ea dignitate saeculo septimo celebrata sunt, atque eo Ordine ut inde norma pro sacris hisce Conventibus celebrandis desumpta videatur. Nemo, arbitror, id inficiari poterit, qui Codicem Wigilanum ab Aguirrio editum puram putari septimi saeculi, & Conciliorum Hispaniensium disciplinam referentem cum Ordinibus a Mabillonio in Musaeo Italico collectis contulerit. Qui ergo non arguam eorum inconsiderantiam, qui cum Thomassino (a) audent Concilia illa sanctissima cum saecularibus Comitibus confundere (b)?

XX. At nusquam mihi magnificentior eiusmodi Conciliorum dignitas observatur, quam ubi quaedam legum capita in eis constituta ipse mihi sisto conspicienda; *Oratum* videlicet Ecclesiasticorum distinctionem & gradus (c); continentiam Subdiaconorum (d); iugem Sacrae Scripturae lectionem Clericis iniunctam (e); sacrorum Canonum observantiam (f); Templorum cultum (g); Canones de bigamis non ordinandis, de Episcoporum electione; aliaeque sexcenta, quae potissimum in Conciliis Tolet. IV. VIII. & XII. videri possunt. Iam tum Subdiaconatui tanta reverentia exhiberi coepit (h), ut inde inter sacros Ordines refereretur. Ibidem (i) etiam ritus, quo Episcoporum consecrationi dies Dominica sollempnis haberetur, praeclara iniicitur mentio: qua de re multo adhuc illustrius exstat documentum in Synodo Caesar-Augustana III. paullo ante Mauricam invasionem, ubi decernunt Patres (l) *nullatenus ullum mortaliu ad Sacerdotalem officium promoveri posse, nisi tantum die Domini-*

(a) Discip. Vet. & Nova T. II. L. III. C. L. n. X.

(b) Vid. Cenium Ant. Ecc. Hisp. T. II. Dissert. IV. C. IV. ubi acriter in eos, qui paullo liberius de Hisp. Conciliis scripserunt, animadvertit. Et post ipsum Florezius *España sagrada* T. VI. Tract. VI. C. II. §. IV.

(c) S. Iſidor. apud Aguirr. T. II. p. 554.

(d) Concil. Tol. VIII. An. Aer. DCXXXV.

(e) Conc. Tol. III. c. 7.

(f) Ibid. Conc. I. Hispal. II. c. 2.

(g) Tolet. VI. c. 15.

(h) Conc. Tol. VIII. c. 6.

(i) Ibid. c. 19.

(l) C. I.

minica : Quae sane pressius urgent , quam ea ; quae attulit doctissimus Card. Norisius (a) alique cum diem Dominicam consecrationi Episcoporum adversus Antonium Pagium vindicarunt .

XXI. Fidem praestant Episcopi , & alii Ecclesiarum Rectores atque obedientiam Praelatis superioribus profitentur , cum ii eiusmodi muneribus sollemniter praeficiuntur , quod in Pontificali Romano dicitur *Forma Iuramenti* . Eius cautionis prima & antiquiora documenta ea sunt , quae a Conciliis Toletanis IV. XI. XII. & Emeritensi petuntur , quemadmodum Thomassinus (b) candide asseruit : unde Hispana Ecclesia magnam gloriae laudem mihi videtur consecuta . Fatetur insuper idem Thomassinus , atque recensens Can. XL. Conc. Tolet. IV. contendit , quod prioribus quinque Ecclesiae saeculis Clerici a Laicis neque tonsura , neque cultu externo discernebantur ; sexto autem septimoque coepit laudabile id discrimen , coepitque in Hispaniis (c) , unde tot Ecclesiastica instituta sanctissime firmata auspiciato exordium duxerunt .

XXII. Sanctitati legum Ecclesiasticarum respondebat populorum erga res sacras veneratio atque munificentia ; quibus factum est , ut complurium bonorum copia Ecclesiarum patrimonio amplificato , iam inde a secunda Synodo Toletana (d) Patres statuerent , bona quaelibet Ecclesiae , aut Clericis concessa nulla praescriptione inde avelli amplius posse . Hinc Beneficiorum Ecclesiasticorum origo . De iure Patronatus , quod vulgo fertur institutum in Concilio Toletano IX. sub Reccesvinto an. Aer. DCXCIII. Chr. 655. habito , supervacaneum agere videtur , cum tot existent Iureconsultorum commentaria , quibus nihil addiderunt quidam Recentiores , quod maiorem lucem Canonibus primo & secundo affundere possit . Ecclesiarum autem immunitati , quae summa Regum Catholicorum in res sacras fuit reverentia , sanctissime consultum fuit , adeo ut Toletani Praefules , iubente gloriosissimo Domino Ervigio Rege (e) , lege caverint , ut ii , qui ad Ecclesiam confugerent , etiam si morti obnoxii , non essent inde abstrahendi , neque iis ullum damnum inferendum .

XXIII.

(a) Hist. Pelag. L. II. C. 24. Consul. Caiet. Cenium in notis ad Pontificale Rom. (b) De Benef. Part. II. Lib. II. C. 44. n. 6.

(c) Omnes , statuunt PP. Tolet. , Clerici vel Lectores , sicut & Levitae , & Sacerdotes detonso superius capite toto inferius solum circuli coronam relinquant . . . (d) Cap. 4. Expressius Tolet. III. can. 3. & Tolet. IV. can. 38.

(e) Conc. Nat. Tolet. XII. c. 10. Idem ultro sanxerant Reges Catholici : adeo Leges Wisigot. L. VI. tit. 4. & L. IX. tit. 3.

XXIII. Aequum etiam videtur, ut summis prosequamur laudibus Ecclesiarum Hispanarum Rectores, qui dispensatores fideles, & in pauperes munificentissimi (a) habebantur. Quaecumque enim Ecclesiae bona non in partes quatuor, ut in reliquis Occidentis partibus fieri consueverat, sed in tres tantum iudicaverant dividenda; quorum pars una Episcopo, altera Clero, tertia vero Ecclesiarum instaurationi consecrabatur (b), egestate laborantibus sive Clericis, sive Laicis ubique primo loco comprehensis (c). Pari ratione commendandi sunt Episcopi acerrimi legum vindices, qui ad rigorem Canonum Sardicensium, aliorumque Conciliorum criminum poenas exigebant: cuius rei exemplum in Ianuarii & Stephani Antistitum depositione apparet praesentissimum. At vero post Gregorii Magni obitum cum Langobardorum saevitia in Italia grassaretur, accessu ad Sedem Apostolicam intercepto, causae ita in Hispania finiebantur, ut iudicia secundum Patrum iura in Synodo peragerentur; novis etiam constitutis legibus, quae ad maiorem & magis accuratam rerum cognitionem opus videbantur. ~~in Concilio Hispalensi II., & Tolet. IV.,~~ quibus praefuit sapientissimus legislator Isidorus, factum est. Itaque toto caelo diversa Hispanorum iudicia ab Africanis. Dies me deficeret, si alia permulta disciplinae capita, quae Hispanae Ecclesiae immortale decus attulerunt, recensere vellem.

XXIV. Eiusmodi autem Institutorum praecipuos veneramus auctores non sine aeterna animi significatione Leandrum, & Isidorum Hispalenses fratres germanos. Illius enim auctoritate atque doctrina tota Gothorum gens, Arianorum profligatis dogmatis, fidem, Catholicam suscepit. Cui hac de causa Gregorius Magnus ipsi summa amicitia coniunctus litteras (d) humanitatis & officii plenas, atque suum Pastorale & Moralia (e) in libros digesta misit; cui tandem sacrum Pallium (f) adhibendum concessit, stupendo ac insolito plane beneficio; non enim

(a) Conc. Tol. IV. c. 38. (b) Conc. Tol. IX. c. 6. XVI. c. 5. & Bracar. I. c. 7. (c) Id innuit Conc. Tolet. IX. c. 3.

(d) Vellem Thomassinus haec duo Concilia consulisset; ex his enim facile colligitur, Hispanorum iudicia non ab Africanis, quod acriter Thomassinus contendit, sed ex Pontificum & Patrum regulis fluxisse.

(e) Epistol. XLI. L. I. Regest.

(f) Reg. L. IV. Epist. XLVI.

(g) Reg. L. VII. Ep. CXXV.

enim praecefferat aut Regis, aut ipsius Leandri petitio. Censent nonnulli inter eruditos magni viri sacrum hoc indumentum non, nisi post Leandri obitum ad Hispanias pervenisse. Opinionem sentio multis nec vulgaribus inniti fundamentis; cui tamen oppositam praeferendam existimo. Mortem equidem Sanctissimi Praefulis praelucentibus eruditissimo Mabillonio & Breulio ad an. Aer. DCXXXVIII. Chr. 600. refero: Gregorii vero litterae simul cum Pallio absque dubio datae fuerant anno praecedenti mense Julio, aut summum Augusto. Quod autem de Primatu, Vicariatu, & Legatione Sancti Leandri a Luca Tudensi narratur, merum est commentum fuco plenum: quod miror Morino & Thomassino emunctae alioqui naris hominibus non suboluisse. Quam absurda corollaria ex ea fabula deduxerunt!

XXV. Isidoro, quem egregium Ecclesiae Doctorem conspicua pietatis & ingenii, quae supersunt, monumenta summe commendant, vindicandus est etiam Ritus ille peculiaris, quo Hispania tam in *Officio*, quam in *Missa* celebranda utebatur. Cavendum autem ne eiusmodi Ritus Isidorianus cum Mozarabico, quem Cardinalis Ximenius Archiepiscopus Toletanus ante omnes vulgavit, confundatur; aut ne a Galliis in Hispanias defluxisse credatur. Quamvis hoc postremum nonnulli homines in Liturgia versatissimi, sed studio partium nimium abrepti asserendum contenderint. Nemo harum rerum non omnino ignarus, arbitror, inficiabitur, vitio vertendum Scriptoris cetera nobilissimis, quod opinionem veritati maxime inimicam pertinacius promoverint. Desideratur autem purus putus Isidorianus Ritus, quamvis in eo explorando sedulam operam contulerint viri ante alios eruditi Mabillonius, Lebrunius, Pinus, atque Iosephus Blanchinus. Rei difficultatem illud etiam auget, quod Liturgia Isidoriana, sicut & aliae omnes, novis accessionibus sequentibus temporibus iam ante Mauricam invasionem fuerit amplificata, opera in primis Ildephonsi, Fructuosi, atque Iuliani.

XXVI. Quoniam autem argumentum hoc mihi differenti accidit, placet duas propositiones ex Liturgia, quam Ildephonsus auxit, recensere, & S. Archiepiscopi honori pro viribus consulere; ut qui candidissima veste a B. Virgine ob defensionem eius Virginitatem scriptis etiam adversus Helvidiam nos editis donari promeruit, omnibus palam sit, quam etiam praeclare

clare de Verbo Incarnato senserit . Dicitur ergo in Missa de Coena Domini : *Qui per adoptivi hominis passionem , dum suo non indulsit corpori* . Et in Missa de Ascensione Domini : *Hodie Salvator noster post adoptionem carnis fidem repetiit Deitatis* . Ea verba , tanquam cum Fide Catholica minus congruentia , improbata sunt a Concilio Francofordiensi in Epistola Synodica ad Episcopos Hispaniae ; atque non immerito ab illis Patribus in sensu Elipandi reiecta quatenus filiationem Christi adoptivam ex illis homo pervicax haeretice colligebat . At enim valde diversa fuit Ildephonsi mens , atque ab Elipandi dogmatis prorsus aliena ; quemadmodum apertissime docuit in Libr. de Virginitate B. Mar. (a) , quique vocabulo *hominis* pro *natura humana* , exclusa hominis Persona , notione suis temporibus receptissima usus fuit . Itaque iniquum est Ildephonsum criminari , quod locutionem Patrum Hilarii (b) , Ambrosii (c) , Augustini (d) , Hieronymi (e) , Paullini (f) , & aliorum eodem plane sensu usurpatam adhibuerit (g) .

XXVII. Quid igitur ~~naturam humanam adoptivam esse~~ voluit Ildephonsus ? Christum quoad naturam humanam filium , adoptivum intellexit ? Minime gentium . Sumpsit enim ibi verba haec *adoptivus* , *adoptio* , quatenus *adoptare* generatim idem est , ac aliquid *adsciscere* vel *assumere* . Cuius quidem rei obvia Latinis (b) exempla , obvia etiam Ecclesiae Patribus . Celebratissimum est illud S. Hilarii (i) L. II. de Trinit. n. 27. , quod non fuisse a Felice Urgellitano corruptum iam alii adversus Alcuinum demonstrarunt . Intelligunt nempe illi naturam humanam , seu carnem adoptatam , quod nos dici-

mus

(a) C. VI. & XI. docet , quod unus sit Christus , unaque persona in naturis duabus divina & humana ; quod idem & non alter sit filius hominis , quam qui filius Dei .

(b) De Trinit. L. X.

(c) In Symb. Apost.

(d) De Praedest. Sanct. C. XV. de Civit. Dei L. IX. C. 17. & Lib. de Agone Christi .

(e) In Psalm. I. & Epistol. ad Eph. C. IV.

(f) Natal. XII.

(g) Exstant ea testimonia apud Politem in Mart. Rom. ad diem XIII. Ian. qui ea primus omnium collegit ; ubi & illam propositionem : *Deus assumpsit hominem* ex Patrum auctoritate graviter sustinet .

(b) Varro apud Nonium .

(i) De Deo homine pannis involuto ab Angelis laudato : Ita (ait) *pelestatis dignitas non amittitur , dum carnis humilitas adoptatur* .

mus carnem assumptam . Quocirca arguendus est Elipandus, quod verba B. Ildephonſi in alienum & pravum ſenſum impiiſſime traduxerit ; atque in aliam plane notionem deſlexerit . Nam certe verba illa Liturgiae Hiſpanicae , ſi recte , quod infeliciter Baronio ſucceſſit , & ad ſenſum Ildephonſi , ut par eſt , intelligantur , ſana ſunt atque catholicis dogmatis omni ex parte conſentanea : quemadmodum eruditiffima diſſertatione ad confirmandam Toletani Pontificis Ildephonſi gloriam Politus noſter (a) uberrime oſtendit .

(4) Loco laudato.

*Diſputabuntur publice in Eccleſia S. Pantaleonis VII. Idus
- Maias , data cuilibet poſt ſertum impugnandi facultate .*

F I N I S .